

宋史

傳十六之四

			五〇六	漢書門
		四六五		
	八四			
册	架	函	號	類

庫	文	閣	内	
二八	五〇			漢
一	六			
一三	二五			書
三				
架	冊	號	類	

内閣文庫	
番號	漢 5065
冊數	122(65)
函號	281 23

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

列傳卷第十

宋史二百五十一

勅修

司在國錄軍國重事前書左相監修國史領經筵事都總裁臣脫等奉

勅修

韓令坤 父倫

慕容延釗 子德豐 從子德琛

符彥卿子 昭愿 昭壽

韓令坤磁州武安人父倫少以勇敢隸成德軍某籍累遷徐州下邳鎮將兼守禦指揮使世宗以令坤貴擢陳州行軍司馬及令坤領陳州徙倫許州罷職復宛丘多以不法干郡政私酤求市利倍歛民財公志之項城民武郁詣關訴其事命殿中侍御史率

丁巳年

宋史列傳卷第十

監生唐士奇刊

淺草文庫

汀按之倫詐報汀云被詔赴關汀奏之世宗怒追劾
具伏法當棄市令坤泣請於世宗遂免死流海島顯
德六年為左驍衛中郎將遷左監門衛將軍宋初拜
磁州刺史轉亳州團練使乾德四年改本州防禦使
卒令坤少隸周祖帳下廣順初歷鐵騎散員都虞候
控鶴右第一軍都校領和州刺史世宗即位授殿前
都虞候俄賞高平之功為龍捷左廂都虞候領容州
團練使進本廂都指揮使領泗州防禦使征太原為
行營前軍馬軍都校未幾為侍衛馬軍都指揮使領
定武軍節度世宗命宰相李穀將兵征淮南俾令坤

等十一將以從穀退師正陽為吳人所乘令坤與宣
祖李重進合兵擊之大敗吳人世宗親在開揚州無
備遣令坤及宣祖自心過趙鼎等襲之令坤先令延
遇以精騎數百遂明馳入城中不之覺令坤繼至撫
之民皆披堵南唐東都留守馬延魯為僧居寺中
令坤求獲之送行在遂以令坤知州事由是泰州懼
以城降時錢俶受詔攻常潤圍毗陵反為南唐所敗
南唐乘勝遣將陸孟俊逼泰州周師不能守孟俊遂
進軍蜀岡逼揚州令坤棄其城世宗怒命太祖與張
永德領兵趨六合援之令坤聞援至復入城守與孟

俊兵戰大敗之擒孟俊敗其將馬貴于楚州灣頭
擒漣州刺史秦進崇我命向洪為緣江招討使以令
坤副之下壽州歸朝加檢校太尉領鎮安軍節度使
世宗乃復幸淮右次楚州遣令坤率兵先入揚州命
權知軍府事揚州城為兵人所毀詔發丁壯別築新
城命令坤為修城都部署六年春命令坤以汴毫民
道汴水入于蔡三月世宗將北征命率龍捷虎捷驍
武兵先赴大名又副王晏為益津關一路都部署俄
為霸州都部署率所部兵戍之恭帝即位加檢校太
尉侍衛馬步軍都虞候冬詔防北邊宋初移領天平

軍加侍衛馬步軍都指揮使同平章事太祖親征李
筠詔令坤率兵屯河陽及澤潞平還京錫宴令坤等
于禮賢講武殿賜襲衣器幣鞍勒馬有差以功加兼
侍中又從討李重進建隆二年改成德軍節度充北
面緣邊兵馬都部署將赴鎮上於別殿置酒餞之因
勗其為治乾德六年疽發背卒年四十六太祖素服
發哀于講武殿錄其子慶朝為閑廐使慶雄為閑廐
副使令坤有才略識治道與太祖同事周室情好親
密鎮常山凡七年北邊以寧聞其卒甚悼惜之祔南
唐遣邊鎬破湖南以馬希崇分司楊州及令坤克取

之希崇以效楊氏獻令坤甚嬖之會擒陸孟俊將械
送行在所楊氏於簾間窺見之即拊膺慟哭令坤怪
問之楊氏曰孟俊往年入潭州殺我家二百口惟妾
為希崇所匿得免願甘心焉令坤以詰孟俊孟俊具
伏令坤乃殺之

慕容延釗太原人父章襄州馬步軍都校領開州刺
史延釗少以勇幹聞漢祖之興也周祖為其佐命以
延釗隸帳下周廣順初補西頭供奉官歷尚食副使
鐵騎都虞候世宗即位為殿前散指揮使都校領溪
州刺史高平之戰督左先鋒以功授虎捷左廂都指

揮使領本州團練使遷殿前都虞候領睦州防禦使
從江淮南改龍捷左廂都校以江馬軍都部署歸朝
復為殿前都虞候出為鎮淮都部署顯德五年世
宗在迎鑿江以聞吳人舟數百艘泊東汴洲即命延
釗與左神武統軍宋延儉討之延釗以駝騎由陸進
延儉督舟師沿江繼進大破之淮南平遷殿前副都
指揮使領淮南節度恭帝即位改鎮寧軍節度充殿
前副都點檢復為北面行營馬步軍都虞候太祖即
位延釗方握重兵也真定帝遣使諭旨許以便宜從
事延釗與韓令坤率所部兵按治邊境以鎮靜聞六

祖嘉之加殿前都點檢同中書門下三品避其父名
故也李筠叛初命與王全斌由東路會兵進討俄為
行營都部署知潞州行府事及平加兼侍中詔還澶
州建隆二年長春節來朝賜宅一區表解軍職徙為
山南東道節度西南面兵馬都部署是冬大寒遣中
使賜貂裘百子禮帳四年春命師南征以延釗為湖
南道行營前軍都部署時延釗被病詔令有輿即戎
事賊將汪端與衆數千樓朗州延釗擒之隸下市荆
湘既平加檢校太尉是冬卒年五十一初延釗與太
祖友善顯德末太祖任殿前都點檢延釗為副常元

事延釗及即位每遣使勞問猶以兄呼之泊寢疾漸
封藥以賜聞其卒慟哭久之贈中書令追封河南郡
王錄其子弟被官者四人子德業德業德鈞德業至
衛州刺史德鈞至尚食副使延釗弟延思歷內殿直
供奉西頭官都知至磁州刺史延思至虎捷軍都指
揮使延知子德琛

德鈞字日新幼聰悟延釗愛之嘗曰與吾門者必此
子八歲補山南東道衙內指揮使延釗卒德鈞亦在
開寶中從征太原領御營南面屯營又為揚州都監
在唐為洞子都監城既下命為昇州都監中丞安

靜澤國富饒使者多哀累金帛德豐獨以庶澤聞
領蔚州刺史太平興國二年知慶州兼知寧都巡檢
嘗破小過族查馬數十匹詔書褒諭居任九年以
簡靜為治遠鎮安之雍熙四年使臺來閱強壯及還
拜西上閤門使自是出為定遠軍總管合領後陝中
隊別將萬病以禦邊害海化二年進秩東上知邢州
三年改判四方館事出知延州時侯延廣知靈武或
言其得西夏情偽強難制命德豐代之就賜白金三
千兩會建使名改為四方館使未幾以所部不治
知慶州歲又改靈州兼部署毅價湧貴德豐出私府

賑饑民全活者衆轉引進使賊入境德豐率兵擊走
獲羊馬甚衆咸平二年遷客省使知鎮州召對便坐
撫慰心甚至是冬遼人南侵德豐繕兵固守館饋不絕
詔獎之三年改治州德豐輕財好施厚享將士在西
邊時母留京師妻年高長女貧甚其宗憫之特詔給
園使奉踰年進詣州國使便知貝州五年卒
年二十五家無餘貲諡者善之子惟素至殿內承制
德豐以死劍於柩供養言累遷行殿崇班知慶州李
順之亂賊首張餘等一萬餘奔于德豐德豐與順戰
龍山斬首千餘級又與白繼等戰斬二萬餘級

其舟賊剽開州圍雲安德琛往援之又斬百餘級累
詔張諭屋西京作坊左藏二副使咸平二年轉崇儀
副使荆湖北路參政尋遷左監門衛大將軍
奪耕半鎧曰斬賊以歸使使路參政未至復知夔州
景德中領括州刺史復在使路再遷在使又為并
代鈐轄知憲州天禧初改右監門衛大將軍
符彥卿字冠侯陳州苑立人父存審後唐官武軍節
度蕃漢馬步軍都總管兼中書令彥卿年十三能騎
射嘗於宗於太原以謹愿稱出入卧内及長以為親
從指揮使入汴遷散員指揮使郭行謙之亂在

右皆引去惟彥卿力戰射殺十數人俄失德
勸哭而去天成三年以龍武都虞候吉州刺史討王
都于定州大破契丹于嘉山明年克其城德羅州團
練使改慶州刺史奉詔築堡于渠北烏崙山口以招
党項清泰初改易州兼領北面騎軍賜戎服介冑戰
馬皆射獵遂城鹽臺浹一日射臺氣狼孤克四十二
如者神之晉天福初授同州節度元彥饒亦鎮滑臺
俄而彥饒叛彥卿上表符罪乞歸田里晉祖釋不問
改左羽林統軍俄兼領右羽林改鎮鄜延以帝幼與
彥卿狎即位召還出鎮河陽三城遣人南使詔彥卿

卷一百五十一
李從厚

率所部拒戰澶淵契丹騎三萬圍高行周于鐵立
諸將莫敢當其鋒者獨引數百騎擊之墮人遁去
行周得免又副李守真討平青州楊光遠移鎮許州
封新國公開運二年與杜重威李守真經略北鄙契
丹主率衆十餘萬圍曹師于陽城軍中之水盡并輒
壞爭統泥吮之人馬多渴死時晉師居下風將戰弓
弩莫施彦卿謂張彥澤皇甫遇曰與其束手就擒曷
若死戰然未必死彥澤等然之遂潛兵尾其後順風
擊之契丹大敗其主乘索馳以遁護其器甲旗仗輜
萬以歸少帝嘉之改武寧軍節度同平章事為左右

所間會再出師河朔彦卿不預易其行伍配以羸師
數千戍荊州口及杜重威以大軍降於澶水急詔彦
卿與高行周領禁兵屯澶淵會彥澤引遼兵入汴彦
卿與行周遂歸遼遼主以陽城之敗詰彦卿彥卿對
曰臣事晉王不敢愛死今日之事死生唯命遼主笑
而釋之會徐宋寇盜遽起遼主即遣彥卿歸鎮行次
甬橋賊魁李仁恕擁衆數萬攻徐州彥卿領數十騎
遽至城下仁恕遣其徒執彥卿馬請隨入城俄頃彥
卿子昭序自城中遣軍校陳守習繼而出大呼賊中
曰相公當為國討賊何故自入虎口乃助賊攻城哉

守四百八十
雖父子今為仇敵當死戰城不可入賊惶愧羅拜彥
卿前乞免罪彥卿為設誓乃解去漢祖入汴彥卿自
徐州來朝改鎮兗州加兼侍中乾祐中加兼中書令
封魏國公拜守太保移鎮青州及殺楊邠輩召從討
關下周祖即位封淮陽王劉誅誅以其京城第宅賜
彥卿及征兗州彥卿朝行在戲馬及錦練軍糧萬石
連被賜賚俄移鎮鄆州會召魏府王殷欲以彥卿代
鎮俄遼人起兵留殷控扼故彥卿不入朝殷得罪即
以彥卿為大名尹天雄軍節度進封衛王世宗初并
人擾潞州潞兵敗命彥卿領兵從磁州固鎮路歷其

背及帝親征命為行營一行都部署兼知太原行府
事領步騎一萬進討初彥卿之行也世宗以并人雖
敗朝廷饋運不繼未議攻擊且令觀兵城下徐圖進
取及周師入境汾晉之民望風款接皆以久罹虐政
願輸軍須以資立力世宗從之而連下數州彥卿等
皆以芻糧未備致旋軍世宗不之省乃調山東近郡
輓軍食濟之及世宗至城下命與郭從義白重
贊史彥超率高騎屯忻口以拒北援又下孟縣遼人
駐忻北遊騎及近郊史彥超以二千騎營其銜左右
馳擊彥超死之敗遼衆二千餘遼騎遁走先鋒為遼

人所掩重傷數百人諸將論議不盾師致不振世宗
乃班師整賜彥卿繒絲鞍勒馬遣歸本鎮還京拜彥
卿大傅改封魏王恭帝即位加守太尉太祖即位加
守太師建隆四年春來朝賜襲衣三帶宴射于金鳳
園太祖上尊告中的彥卿言名馬祈賀開寶二年六
月移鳳翔節度被病有與赴鎮至西京上言疾亟請
就醫洛陽從之假滿百日猶請其奉為御史所劾下
留司御史臺太祖以姻舊特免其鞫止罷其節制八
年六月卒年七十八喪事官給彥卿將家子勇略有
謀善用兵有審之第四子軍中謂之符第四前後賞

賜鉅萬悉分給帳下故士卒樂為効死遼人自陽城
之敗尤畏彥卿或為病不飲飽必唾而呪曰此中豈
有符王邪晉少主既陷契丹德光之母問左右曰彥
卿安在或對曰聞其已遣歸徐州矣德光母曰留此
人中原何失策之甚其威名如此鎮大名餘十年政
委牙校劉思遇思遇貪黠怙勢斂貨財公府之利多
入其家彥卿不之覺時藩鎮率送親吏受民租粟量
增益公取其餘羨而魏郡尤甚太祖聞之遣常參官
主其事由是斛量始正詔以羨餘粟賜彥卿以愧其
心彥卿酷好鷹犬更卒有過亦名鷹犬以獻雖盛怒

必貫之性不飲酒頗謙恭下士對賓客終日談笑不
及世務不伐戰功居洛陽七八年每春月乘小駟從
家僮一二遊僧寺名園優游自適周世宗宣懿王后
太宗懿德皇后皆夢卿女也自恭帝及太祖兩朝賜
詔書不名子昭信昭憲昭壽昭信天雄軍衙內都指
揮使領賀州刺史周顯德初卒贈檢校太保開州防
禦使

昭憲字致恭謹厚謙約頗讀書好事周廣順中以蔭
補天雄軍牙職俄領興州刺史開寶中改領恩州彥
卿嘗疾居洛入補供奉官四年改領羅州刺史七年

遷西京作坊副使俄授

巡兵從征太原為御營

定國軍節度使宋澤率兵直

州刺史知并澶二州不踰

內艱起復為本州團練使

平初又為天雄節度使

詔遣中使尚質馳傳諭

本州防檢使四立卒

節度子承昭為左千牛衛

昭壽初補供奉官開寶

四年改領羅州刺史

六宅副使陳蘭州刺史

鎮州屯兵會遣將止在又

金使真拜光州刺史端拱二

定州咸平勿遷鳳州團練使

子日事遊宦歸居自營

理戎務有所裁決即合家

織織麗綺帛每有所須取給

又令部曲私邀取之需雜

悉貯寺觀中久之損敗即勒

軍校劍南自李順平後人心

政昭壽又不能御軍人比自

人謀欲害昭壽時未敢發二

京昭壽戒殿吏具鞍馬將送

輿奔逸庭下陽遂詣呼登

據甲及庫取兵器都監三

王均率兵擒捕死順在勅昭

壽卒見均至即與眾推均為

牛冕洎轉運使張適在漢州

有終傳昭壽子承諒妻齊工

二年冬命與劉知信議

知信為押隊都監轉尚

平知洪州厚化四年改

宣州鈴轄昭壽以貴家

昭壽等不暇息後國不

信道多集錦工就解舍

市餘半歲方給其直

昭示及成熟者亦取之

釋償之縱其下凌忽

洵知州牛冕緩弛無

慎神衛亦請延順等八

正旦由使自城召山遠

之延順等悉齎既中馬

執昭壽殺之并殺二僕

聞之愈召不軍都虞候

壽首右操劍符律無所

帥倉驍往威武兵為亂

是秋官其討平之是雷

女嘉由縣主三內殿奉

宋史卷一百一十五

論曰五季之亂內則權臣相合外則藩鎮逞兵宋興
內外廓清若天去其疾或
奉朝請雖太祖善御諸臣
也彥無一門二后異朝
時進退其名將之賢者與
平荆湘則南服底定鎮守
與功以啓嬖孽創置君三
有過人者類如是夫

列傳卷第十

列傳卷第十一

宋史二百五十二

開府儀同三司上柱國兼中書令兼樞密使兼太師兼太傅兼太保兼太宰兼太孫承祐
勅修

王景 子廷義

王景

郭從義 曾孫承祐

李洪信 弟洪義

武行德

楊承信

侯章

王景萊州掖人安世力曰景少儻善騎射不事生
業結里中惡少為群盜累大將三擅鎮滑臺以景隸
麾下與後唐莊宗戰河上擅有功景嘗在石之莊宗

宋史二百五十一

入汴景來降奉聖都虞候清泰末從張敬達圍
 晉陽合契丹不授景以所部歸晉祖天福初授相州
 刺史范延光據鄴叛屬郡多為所脅從景獨分兵拒
 守晉祖嘉之遷耀州團練使及代晉晉祖嘗留為
 京城巡檢使改沁州團練使開運初授侍衛馬軍左
 廂都校二年契丹南侵少帝幸澶淵景與高行周等
 大破契丹衆于戚城遷侍衛馬軍都指揮使領鄭州
 防禦使出為晉州巡檢使知州事拜橫海軍節度契
 丹至汴以其黨代景歸次常山聞契丹主殂藥城
 即間道歸鎮斬關而入契丹遁去漢乾祐初加同平

章事會契丹饑幽州民多度關求食至滄州境者五
 千餘人景善懷撫詔給田處之周祖徵時與景善及
 耶位加無侍中景起身行伍素無智略然臨政不尚
 刻削民有訟必面詰之不至大過即諭而釋去不為
 胥吏所搖由是部民便之廣順初入朝民周環等數
 百人遮道留之不獲有截景馬鐙者俄以景為護國
 軍節度歲餘遷鎮鳳翔顯德初封褒國公加開府階
 世宗即位加無中書令先是秦鳳陷蜀州虜蕃漢之
 請關請收復世宗命景與向拱率兵出大散關進討
 連陷砦柵遂命景為西面行營都部署大破蜀軍于

宋史二百五十一

上邽斬首數萬管是秋秦州降逾年徙景鎮秦州無
 西面緣邊都部署兼帝即位進封涼國公宋初加守
 太保封太原郡王建隆二年春來朝太祖宴賜加等
 復以為鳳翔節度西面緣邊都部署四年卒年七十
 五贈太傅追封岐王謚元靖初景之奔晉也妻坐戮
 二子逃獲免晉祖待之厚賞賜萬計嘗問景所欲對
 曰臣自歸國受恩隆厚誠無所欲固問之景稽顙再
 拜曰臣昔為卒嘗負胡牀從隊長出入屢過官妓侯
 小師家意甚慕之今妻被誅誠得小師為妻足矣晉
 祖大笑即以小師賜景景甚寵嬖之後累封楚國大

入侯氏嘗見景金數百兩遣舊人景知而不責性
 謙退折節下士每朝廷使二雖卑位必降階送迎周
 旋盡禮左右或曰王位尊宗無自謙抑景曰人臣重
 君命固當如是我惟恐不謹耳初封郡王朝廷以吏
 部尚書張昭將命景先禮重以萬餘緡遺昭左右
 或言其過厚景曰我在一伍間即聞張尚書名今使
 於我是朝廷厚我也豈可以姓劉為限耶景子廷義
 廷睿廷訓廷訓至驍衛天將軍廷廷家供奉
 官改如京副使廷善射射周世宗禮為虎符都虞候
 遷龍捷右第二軍都校領珍州魏之宋初改內外馬

宋史一百一十二卷

鼓

步軍副都軍頭章德
 靈河新堤六年增治
 年加領橫州團練使
 乘城獨免胄矢中其
 甚惜之優詔贈建補
 言我當代王景之子
 王晏徐州滕人家也
 行攻劫梁末徐方大
 里恃晏獲全後唐同
 校晉開運末與本軍
 都校侯章等戍

陝州會契丹至汴遣
 暉等謀曰今契丹南
 時自奮且聞太原劉
 送款河東為天下唱
 之晏乃率敢死士數
 徒遲明斬急首縣府
 指揮使內外巡檢使
 陽特漢祖雖建號威
 以暉為保平軍節度
 禦使仍領舊職既而

陝州會契丹至汴遣
 暉等謀曰今契丹南
 時自奮且聞太原劉
 送款河東為天下唱
 之晏乃率敢死士數
 徒遲明斬急首縣府
 指揮使內外巡檢使
 陽特漢祖雖建號威
 以暉為保平軍節度
 禦使仍領舊職既而

雄軍節度漢祖入汴加同平章事熙祖即位加兼侍
中廣順元年劉宗侵晉州晏閉關不出設伏城上弁
人以為怯競攀堞而登晏麾伏兵擊之顛死者甚衆
遂焚橋道遣漢倫追比數十里斬首百餘級擢漢倫
濱州刺史八月來朝周祖以晏家彭城授武寧軍節
度俾榮其鄉里三年周祖在兗州次張康鎮晏來朝
獻馬七匹賜襲衣金帶親郊畢封滕國公加開府階
世宗即位加兼中書令初晏至鎮悉召故時同為盜
者遣以金帛從容置酒語之曰吾鄉土多盜我與諸
君昔嘗為之後來者固當出諸君之下為我告諭令

不復為若不能改吾必盡滅其族由是境內安靜吏
民詣闕舉留請為晏立衣錦碑世宗初復請立德政
碑世宗命比部郎中知制誥張正撰文賜之詔改其
鄉里為使相鄉勳德里私門立戟未幾改河南尹西
京留守顯德三年移鳳翔節度六年從世宗北征為
益津關一路馬軍都部署韓令坤副焉遂平三關大
祖即位進封趙國公從征李筠師還改安遠軍節度
乾德元年進封韓國公上章請老拜太子太師致仕
每朝會令綴中書門下班俄歸洛陽別墅四年冬卒
年七十七廢朝三日贈中書令初晏為軍校與平陸

人王興善其妻亦相為娣姒晏既貴乃薄興興不能
平晏妻病興語人曰吾能治之晏遽訪興興曰我非
能醫但以公在陝時止一妻今妓妾甚衆得非待糟
糠之薄致夫人怏怏成疾耶若能斥去女侍夫人之
疾可立愈晏以為滂已乃誣以他事悉案誅其夫妻
守西洛日白重贊鎮河陽時世宗征淮南重贊慮并
人乘間為寇因葺城壘且約晏為援晏意欲兼有三
城即與漢倫同率兵赴之重贊聞其來拒不納遣人
語之曰公在陝州已立大功河陽小城不煩枉駕而
不能對遂引兵還

郭從義其先少也部人父紹古事後唐武皇忠謹特
見信任賜姓李氏紹古卒從義繼其角莊宗畜於宮
中與諸子甚明宗與紹古同事武皇情好款狎即位
以從義補內職累遷內園使晉天福初始復姓郭氏
坐事出為宿州團練副使丁內艱北歸遂家太原漢
祖在鎮表為馬邑一都虞候屢遷即破契丹于代北
及建大號從義首其謀建羅州防禦使充東南道
行營都虞候領首言曰大行跡渡河漢祖入汴以為
河北都巡檢使社重威據大名叛以為行營諸軍都
虞候重威降為集寧軍節度使思結之叛為行營都

謂署賜戎裝罷仗金帶師至未與圍其城即以從義
為求興軍節度思綰歸盡城中人相食從義繫書矢
上射入城中說思綰令降仍表於朝廷許以華州節
制隱帝從其計即遣使諭思綰思綰開門納款即日
從義具軍容入城愨候館中思綰入謁即令武士執
之并其黨三百餘人悉斬於市以功加同平章事周
廣順初加兼侍中移鎮許州顯德初親郊加檢校太
師世宗將征劉崇從義適來朝因請扈從世宗甚悅
改天正軍節度即令從義為卿破契丹于忻口師還
以功加兼中書令四年從征淮南移鎮徐州及世宗

自迎鑾至泗州見於行在恭帝即位加開府階宋初
加守中書令太祖征揚州從義迎謁於路願扈從不
允乾德二年又為河中尹護國軍節度六年以疾歸
京師開寶二年改左金吾衛上將軍逾年上章請老
拜太子太師致仕四年卒年六十三贈中書令從義
性重厚有謀略多技藝尤善飛白書初思綰之叛也
巡檢使喬守溫遁去姬妾悉入思綰思綰敗從義盡
取之守溫詣從義求其愛妾雖不敢拒而心銜焉遂
發守溫逃遁事坐棄市人皆寃之從義善擊毬嘗侍
太祖於便殿命擊之從義易衣跨驢馳驟殿庭周旋

擊拂曲盡其妙既罷上賜坐謂之曰卿技固精矣然非將相所為從義大慙子守忠守信守忠至閑廐副使守信字寶臣頗知書與士大夫游至東上閣門使知邢州卒子世隆為比部員外郎世隆子昭祐承祐昭祐為閣門祗候

承祐字天錫娶舒王元僊女授西頭供奉官仁宗為皇太子承祐補左清道率府率春坊左謁者真宗為玉石小牌二勒銘以戒飭之帝即位遷西染院副使兼閣道通事舍人勾當翰林司遷西上閣門副使坐盜御酒及用尚方金器除名岳州編管徙許州別駕

起為率府率遷西京作坊使勾當右驥驎院院之大校試路馬者前鳴鞭擁御蓋承祐代試之其狂僭如此進六宅使象州團練使承祐性狡獪緣東宮恩又憑藉王邸親既廢復用迺僭言事或指切人過失同列謂之武諫官真授衛州刺史知相州入為郡牧副使改濰州團練使歷知曹鄭澶鄆貝州徙澶州兵馬總管役卒有異謀者庶得不待奏捕斬之再知澶州會中使過遽延入問管軍闕補何人使者曰聞朝廷方擇才武者承祐起挽彊自銜左右皆笑入為龍神衛四廂都指揮使以父喪起復真定府定州等路副

嘉靖丁巳年

天史列傳卷一

監生李維恩

都總管諫官歐陽脩余靖論其非才改知相州尋徙大名府副都總管樞密使杜衍惡承祐驕恣奏罷軍權為相州觀察使永興軍副都總管改知邢州徙河陽兵馬總管衍去位復進為殿前都虞候并代州副都總管兼知代州徙邢州諫官錢明逸言承祐無廉守邢民素厭苦之改相州徙秦鳳路副總管累遷建武軍節度使殿前副都指揮使尋以宣徽南院使判應天府府壁壘不完盜至卒無以禦承祐始城南開浚沙灘盟三河徙亳州諫官言承祐在應天府給糧不以次且擅留糧綱批宣頭不發戍還兵越法仗配

輕罪借用翰林器出入擁旗槍以禁兵擬周衛體浸在僭無人臣禮罷宣徽南院使許川都總管徒節保靜軍知許州轉運使蘇舜元薦承祐有將帥才政事如龔黃帝謂輔臣曰彼庸人監司乃龔黃比之何所取信哉改知鄭州未行暴疾卒贈太尉謚曰密承祐所至多興作為煩擾百姓苦之

李洪信并州晉陽人漢昭聖太子弟也后弟六人洪信居長少善騎射後唐明宗在藩時隸帳下及即位愛將朱弘實總領捧聖軍弘實權洪信為本牙漸遷小校應順中璐王舉兵少帝殺弘實而東奔捧聖軍

數百騎從行洪信預焉及次衛州山帝與晉高祖遇
因有疑貳謀害晉祖其從兵皆亂時漢祖方護晉祖
洪信以兵應之獲免清泰中又為雍王重美牙校晉
初為興順左廂都指揮使漢祖統禁軍遷鎮太原奏
隸麾下漢祖領陳州刺史左護聖左廂都指揮使俄
加岳州防禦使從漢祖降鄴以警急之勞授侍衛馬
軍都指揮使領武信軍節度乾祐中以群小用事心
懷憂懼白太后求解軍職山為鎮寧軍節度歲餘遷
保義軍節度初拂邠以元從功臣為方鎮者不諳政
務令三司擇軍將分補諸鎮都押牙孔日官或恃以

朝選藩帥難制洪信聞內難即召馬步軍都校聶召
奉國軍校楊德王建黃全武楊進翟本右牙都校任
溫武德護聖都校康審澄及判官路濤掌書記張洞
都押牙楊昭勅孔日官魏守恭悉殺之誣奏謀逆周
廣順初加同平章事洪信常以此妄殺自歎及革命
內不自安周祖猶以漢太后之故移鎮京兆本城兵
不滿千王峻西征至陝州以援晉州為辭又取去數
百人及劉崇北遁遣禁兵千餘屯京兆洪信益懼即
請入朝懇辭藩鎮拜左武衛上將軍世宗即位遷左
驍衛上將軍顯德五年改右龍武軍統軍從世宗北

征爲合流口部署乾德五年改左驍衛上將軍開寶五年請老以本官致仕八年卒年七十四洪信無他才術徒以外戚致位將相歛財累鉅萬而吝嗇尤甚時節鎮皆廣置帳下親兵惟洪信最寡少弟洪義洪義本名洪威避周祖名改焉漢祖鎮太原補親校開國授護聖左廂都校領岳州防禦使遷侍衛馬軍都指揮使領武信軍節度少帝即位改鎮寧軍節度會誅楊邠史弘肇等時侍衛步軍都指揮使王殷屯澶州即遣供奉官孟業賫密詔令洪義殺之又令護聖都指揮使郭崇等害周祖於鄴洪義素怯懦慮殷

覺遷延不敢發遽引業見殷殷乃錮業送密詔於周祖洎周祖起兵少帝又詔洪義扼河橋及周祖兵至洪義就降漢室之亡由洪義也廣聖初權知宋州節度未幾真拜歸德軍節度加同平章事權知許州歲餘改鎮安州顯德初加檢校太師世宗即位加兼侍中未幾徙青州六年夏遷京兆尹永興軍節度恭帝嗣位加開府階宋初加兼中書令移鄆州乾德五年代歸卒年五十九贈太師

武行德并州榆次人身長九尺餘材貌奇偉家甚貧常採樵鬻之自給晉祖鎮并門暇日從禽郊外值行

宋史列傳卷之二十一
宋史列傳
德負薪趨拱於道左晉祖見其魁岸又所負薪異常
令力士更舉之俱不能舉頗奇之因留帳下晉天福
初授奉國都頭遷指揮使改控鶴指揮使寧國軍都
虞候開運中契丹至汴行德被獲乃偽請於契丹以
自效契丹信之方具舟數十艘載鎧甲令行德率將
校軍卒送歸其國汴至河陰行德謂諸將曰我輩
受國厚恩而受制於契丹與其離鄉井投邊塞爲異
域之鬼曷若與諸君驅逐兇黨共守河陽姑俟契丹
兵退視天命所屬歸之建功業定禍亂以圖富貴可
乎衆素服行德威名皆曰所向惟命不敢愛死行德

即殺契丹監使分授器甲由汜水倍道抵河陽契丹
節度使崔廷勳出兵來拒行德麾衆逆擊自旦及午
殊死戰廷勳大敗棄城走行德遂據河陽盡以府庫
分給將士因推行德知州事時契丹兵尚充斥行德
厲士卒繕甲兵據上游士氣益奮人望歸之聞漢祖
起太原即自稱河陽都部署遣其弟行友間道奉表
勸進漢祖覽奏喜甚即授行德河陽三城節度漢祖
由晉絳至洛行德迎候境上以所部兵翼三京師還
河陽乾祐中加同平章事務真定尹成德弒節度廣
順劫加兼侍中賊改忠武軍節度遷河南尹西京留

守時其盟入城犯者法至死告者給厚賞洛陽民家
媼將入城鬻蔬俄有僧從媼買蔬就媼觀視密實鹽
言中必答其言一不買而去媼持入城抱關者搜得鹽
將以詣府行德且盛鹽糶非利也其有是而詰之媼
言適有僧自城出買蔬取視媼一而云即捕僧訊治
之具伏與媼同誣媼以不賞行德釋媼斬僧及抱
關吏數輩人畏之若神明部下洎德三年丁外艱起
復顯德初加開府階進封韓國公世宗即位兼中書
令初世宗自何東還次河陽以洛陽城頭缺令其之
行德率部民萬餘充其城封邢國公是秋代王晏為

武寧軍節度與晏兩換其任先是唐末楊六據淮南
自甬橋東南決汴匯為汴澤二年將議南征遣行德
率所部丁壯於古隄疏導之東達于泗上及親征以
行德為濠州行營都部署破淮軍二千餘入於郡竟
俄遣率師屯宛遠以逼其城為吳人所敗死者數百
入行德以身免左授右衛上將軍五年下淮南復授
行德保大將節度兼中書令恭帝嗣位進封宋國公
宋初加中書令進封韓國公再授忠武軍節度改封
魏國公乾德二年冬移鎮安州加開府儀同三司開
寶二年入為太子太傅太平興國三年以本官致仕

宋史列傳卷第...

四年卒年七十二贈太師

楊承信字守真其先沙陁部人父先遠仕晉至太師
壽王承信先遠第三子幼以父任自義武軍節院使
領蘭州刺史歷宣武平盧二軍牙校開運初先遠以
青州叛少帝遣李守貞等討之食盡勢窮承信元承
勲劫其父以降青州平先遠死承信與弟承祚詣闕
請死詔釋之以承信為右羽林將軍承祚為古驍衛
將軍放歸服喪私第尋安置鄭州初先遠送款契丹
求援兵未至而遠降契丹來寇承勲時為鄭州
防禦使召數其罪殺之以來信為平盧軍節度繼父

職仕漢歷安郿二州節度累加檢校太師周顯順
加同平章事諸將西討劉崇承信表求預行以郊祀
恩加開府階封杞國公世宗即位進韓國公顯德初
征淮南為濠州攻城副都部署改壽州北監都部署
兼知行府事壽州平累戰功擢忠正軍節度同平章
事時徐州治下蔡承信助增廣其城又遣監軍薛友
榮敗淮人六百餘于廬州比蔡帝即位進封魯國公
宋初加兼侍中來朝會征李筠白為澤州西面都
署鎮平移鎮河中乾德元年進封魏國公二年卒年
四十四贈中書令承信身長八尺美鬚衣善持論且

多藝能雖叛臣之子然累歷藩鎮刻勵為政而不苛
故能始終富貴其卒也蒲民表乞祠之則其遺愛之
在人者可知矣景德四年錄其孫松為奉職

侯章奔州榆次入初在奔門事後唐莊宗為隊長明
宗朝遷少校晉開運末為忠衛指揮使屯兵陝州為
內外馬步軍都指揮使兼三城巡檢使會契丹入中
原與趙暉王晏謀斬契丹將劉愿送款於漢祖漢祖
入沐權為鎮國軍節度乾祐初加同平章事尋移鎮
邠州章居鎮無善政傷上利下以貪狠聞用見戶為
兆擅其租賦乃矯奏貧民數千戶負稅租以林藪示不

能輸願以已奉代時方姑息詔褒之副使趙彥鐸有
良馬章欲之不與誣彥鐸謀逆殺之亦置而不問俄
加檢校太師周初加兼侍中廣順二年入朝獻銀帛
請開宴周祖謂左右曰諸侯來朝天子自當錫宴以
申愷樂豈俟其貢奉為之耶命復賜之仍令有司自
今藩鎮有進奉者勿受俄賜宴廣政殿章又獻銀千
兩馬七匹上喜賜下納三年檢鄧州節度周祖親郊
加開府階封申國公世宗即位加兼中書令世宗親
征壽陽命章為攻城水營都部署六衛大將軍王瓌
副之俄徙西北水營都部署再為水營節度建隆

三十一
元年八月授太子太師封英國公既罷節鎮尋常快
快日於朝堂與我舊言晉漢間事時有輕忽章者
章厲聲曰當遠主疾作謀歸有書請避暑嵩山者
我處人以戰國取富貴若此設使不嘗為之坐中有
慚者乾德五年卒

論曰王景輩微時或至為盜負薪遭五代之亂奮身
戎功重據邊要宋興擢顯比嚮太祖待以誠信宜無
不自安者景趨利改圖乃至滅族王晏郭從義遷怒
肆忿誣人以死侯章在潘邱有剝下之名李洪義袒
於肺腑之戚而無外禦之志各執甚焉斯皆亂世之
有不能盡去之者武行德守洛邑辯文其同
思服顧不優於諸人耶

列傳卷第十二

宋史二百五十三

開府儀同三司在國錄軍國重事前中書右丞相兼樞密使領選事都總裁臣既奉

勅修

折德宸

子御勳御卿
曾孫克行

馮繼業

王承美

李繼周

孫行友

子全照

折德宸世居雲中為大族父從阮自晉漢以來獨據
府州控扼西北中國賴之仕周至靜難軍節度使其
鎮府州時署德宸為馬步軍都校廣順間周世宗建
府州為永安軍以德宸為節度使時從阮鎮邠寧父
子俱領節鎮時人榮之顯德中德宸率師攻下河市

鎮斬并軍五百餘級入朝以其弟德愿權總州事時
 世宗南征還次通許橋德愿迎謁且請遷內地世宗
 以其素得蕃情不許厚加賜賚而遣之德愿未至德
 愿又破并軍五百餘于沙谷砦斬其將郝章張釗宋
 初德愿又破河東沙谷砦斬首五百級建隆二年來
 朝待遇有加遣歸鎮乾德元年敗太原軍于城下擒
 其將楊璘二年卒年四十八贈侍中子御勳御卿
 御勳字世隆德愿鎮府州日表為右職德愿卒以御
 勳領汾州團練使權知府州事開寶二年太祖征太
 原御勳詣行在謁見以為永安軍留後四年以郊祀

來朝禮畢歸鎮九年郊祀西洛復來朝道病後期改
 泰寧軍節度使留京師太平興國二年卒年四十贈
 侍中

御卿幼請節院使御勳知州事署為兵馬都校御勳
 徙鎮召為開府副使知府州太宗征河東命御卿與
 尹憲領屯兵同攻嵐州又破哥嵐軍擒其軍使折令
 圖以獻遂下嵐州又殺其憲州刺史霍翽又擒其將
 馬延忠等七人遷樂壽德化三年凡四遷而為府
 州觀察使五年拜永安軍節度使而契丹寇萬餘
 入寇御卿大敗之於子河漢斬首五千級獲馬千匹

契丹將號突厥太尉司贊舍利死者二十餘人擒其
吐渾一人自是契丹知所畏太宗因遣使問御卿曰
西北要害皆屯勁兵戎人何自而至御卿對曰敵緣
山狹小徑入謀剽略臣諜知之遣人逐其歸路因縱
兵大擊收走之人馬墜崖谷死者初就其大將德
威僅以身免等聖靈所及非臣之功也上嘉之歲餘
御卿被病德威諜知之具為李繼遷所誘率衆來侵
以報子河漢之役御卿方疾出戰德威聞其至不敢
進會疾甚其母密遣人召歸御卿曰世受國恩邊寇
未滅御卿罪也今臨敵棄士卒自使不可死於軍中

乃其分也為白太夫人無念我忠孝豈肉全言訖泣
下翊日卒年三十八上聞悼惜久之贈侍中以其子
惟正為洛苑使知州事惟正歸朝以其弟惟昌繼之
咸平二年河西黃女族長蒙異保及惟昌所部啜訛
引趙保吉之衆入寇麟州萬戶谷進至松花砦惟昌
與從叔同巡檢使海超弟供奉官惟信率兵赴戰會
保吉兵衆官軍不敵惟昌臂中流矢墜馬攝弓起得
禪將馬突圍出海超惟信沒焉九月保吉黨萬私保
移埋復來寇惟昌與宋思恭劉文質合戰于埋并峯
敗走之又破言泥族拔黃砦焚其器甲車帳俘斬甚

嘉靖丁巳年
嘉靖丁巳年
監生李維恩列

參以功領富州刺史改文思使景德元年與王萬海等破賊砦護芻糧抵麟州秋入朔州界破狼水砦時契丹方圍岢嵐軍聞敗遁去明年拜興州刺史大中祥符二年表求赴闕真宗命近臣與射於苑中宴賜甚厚上言先臣御卿蒙賜旗三十竿以壯軍容請別給賜許之七年命河東民運糧赴麟州當出兵爲援惟昌力疾領步騎屯寧遠砦冒風沙而行時疾已亟猶與賓佐宴飲談笑自若焉明日卒年三十七以其弟惟忠繼之惟忠字蓋臣初以兄惟信戰沒補西頭供奉官擢閤門祗候及惟昌卒以惟忠爲六宅使知

府州兼麟府路都巡檢使領普州刺史再遷左藏庫使真拜嘉州刺史改資州進簡州團練使喪母起復雲麾將軍卒惟忠知兵事天聖中契丹與夏國會兵境上聲言嫁娶惟忠覘得其實率麾下往備之戒士卒毋輕動一夕風霾有騎走營中以爲寇至惟忠堅卧不動徐命擒之得數誕馬蓋虜所縱也既卒錄其弟姪子孫七人以其子繼宣嗣州事久之特贈惟忠耀州觀察使寶元中繼宣坐苛虐格刻種落嗟怨繼爲左監門衛將軍楚州都監擢其弟右侍禁繼閔爲西京作坊使嗣州事繼閔子廣孝慶曆中元昊兵攻

麟州不克進圍州城城險且堅東南有水門厓壁峭絕阻河賊緣厓腹微徑魚貫而前城中矢石亂下賊轉攻城北士卒復力戰賊死傷甚衆遂引去圍豐州豐州遂陷繼閔以城守勞特遷官苑使普州刺史未幾護送麟州戍卒冬服賊伏兵邀擊之盡掠所齎繼閔脫身繇間道歸會赦止奪官苑使後復官領果州團練使自元昊反繼閔招輯歸業者二千餘戶皇祐二年卒以其弟繼祖嗣州事繼祖字應之由右侍禁遷西染院使累轉皇城使成州團練使臨政二十餘年奏乞書籍仁宗賜以九經韓絳發河東兵城囉兀

繼祖為先鋒深入敵帳降部落戶八百加解州防禦使卒繼祖有子當襲州事請以授兄之子克柔詔從之而進其三子官錄二孫為借職弟繼世少從軍為延州東路巡檢鬼名山之內附繼世先知之遣其子克勤報种諤諤用是取綏州繼世以騎步萬軍于懷寧砦入晉祠谷往銀川分名山之衆萬五千戶居於大理河夏人來攻再戰皆捷諤抵罪逮繫獄以兵付之而行遂同名山守綏州錄功領忠州刺史說韓絳城囉兀以撫橫山因畫取河南之策絳以為然以左驥驥使果州團練使卒諸司使無賻禮詔以繼世蕃

嘉靖丁巳年
監生李繼恩刊

官捍邊有績特給之從子克行

克行字遵道繼閔子也初仕軍府無所知名夏人寇環慶种諤拒之詔河東出師為援克行請往諤使以兵三千護餉道戰于葭蘆川先登斬級四百降戶千馬畜萬計諸老将矍然曰真折太尉子也擢知府州秦兵討夏國張世矩將河外軍民克行與俱廷議謂守臣難自行詔克行選兵隸世矩克行抗章願率部落先驅未報即委管鑰而西大酋咩保吳良以萬騎來躡克行為後拒度賊半度隘縱擊大破之殺咩保吳良師還自劾釋不問王中正出塞克行先拔宥州

每出必勝夏人畏之益左廂兵專以當折氏太原孫覽議城葭蘆諸將論多不合召克行問策即頓兵吐渾河約勒部伍為深入窮討之狀敵疑不敢動既訖役又入津慶龍橫川斬級三千詔河東進築八砦通道鄜延延帥遣秦希甫來共議克行請兩路併力以遠者為先希甫曰由近及遠法也克行曰不然事有奇正今乘士氣之銳所利在速故先遠役以出其不意若徐圖之士心且怠矣希甫持不可弁上二議卒用克行策城成謀言寇至軍中皆戒嚴克行止之曰彼自擾耳已而果然克行在邊三十年善拊士卒戰

嘉靖丁巳年

宋史列傳卷之三

監生李維恩刊

功最多羌人呼為折家父官至秦州觀察使卒贈武
安軍節度使子可大為榮州團練使知府州從子可
適可適未冠有勇馳射不習而能鄜延郭達見之歎
口真將種也薦試廷中補殿侍諫延州從種諤出塞
遇敵馬以少年易之可適索與鬪斬其首取馬而還
益知名米脂之役與夏人戰三角嶺得級多又敗之
於蒲桃谷東兵又不得食千人成聚籍籍于軍門或
欲掩殺以為功可適曰此以饑而逃耳非叛也單馬
出詰之曰爾輩何至是不為父母妻子念而甘心為
異域鬼耶皆回面聲喏流涕謝再生各遣歸羌夏人

十萬入寇可適先得其守烽卒姓名詐為首領行視
呼出盡斬之烽不傳因卷甲疾趨大破之于尾丁破
回次檉楊溝正午駐營分騎據西山曰彼若躡吾後
腹背受敵必敗果舉軍來可適所部纔八千轉戰至
高嶺迺從間道趣洪德設伏邀其歸路敵至伏發衝
之其國毋踰山而遁焚棄輜重雖惟帳首飾之屬亦
不返衆相蹈籍赴崖澗死者如積論前後功至皇城
使成州團練使知岷蘭州鎮戎軍渭帥章綽合州秦
慶三道兵統好水川命總管王文振統之而可適將
軍為副熙州兵千人失道盡死文振歸罪於可適綽

即下之吏宰相章惇欲按軍法哲宗不許猶制十三
官而罷祭請留以責效乃以權第十二將崑名阿理
昧勒都逋皆夏人禁黠用事者詔可適密圖之會二
酋以畜牧為名會境上可適謀知之遣兵夜往襲并
俘其族屬三千人遂取天都山帝為御文德殿受賀
以其地為西安州遷可適東上閣門使洛州防禦使
涇原鈐轄知州事真拜和州防禦使進明州觀察使
為副都總管帥鍾傳行適為敵所隔以輕騎拔之得
歸傳議取靈武環慶亦請出師命可適將萬騎往師
薄靈州川夏人扶老挾稚中夜入州城明日俘獲

夥而慶兵不至乃引還詔使入覲帝以傳策訪焉對
曰得之易守之難當先侵弱其地待吾藩籬既固然
後可圖帝曰卿言是也進武安軍節度觀察留後步
軍都虞候大城蕭關與傳議齟齬會覆師數百于踏
口傳劾之貶鄭州觀察使俄知衛州拜淮康軍節度
使轉運使請於平夏通峽鎮戎西安四砦分築塲圍
置芻粟五百萬可適以費大難之又欲借車牛以運
及致十萬斛於熙河皆戾其意乃中以疑謗召為佑
神觀使明年復以為渭州命其子彥質直秘閣參軍
事數月而卒年六十一彥質紹興中簽書樞密院別

有傳

馮繼業字嗣宗大名人父暉朔方節度封衛王繼業幼敏慧有度量以父任補朔方軍節院使隨父歷邠孟及再領朔方皆補牙職周廣順初暉疾繼業圖殺其兄繼勳暉卒遂代其父為朔方軍留後以郊祀恩加靈州大都督府長史遷朔方節度靈環觀察處置度支溫池榷稅等使恭帝時繼業既殺兄代父領鎮頗驕恣時出兵劫畧羌夷不附又撫士卒少恩繼業慮其為變以太祖居鎮日嘗得給事乃豫徙其孥闕下建隆初來朝連以駝馬寶器為獻開寶二年

賜詔獎諭拜靜難軍節度使三年改鎮定國軍吏民立碑頌其遺愛太平興國初來朝封梁國公留京師明年卒年五十一贈侍中

王承美豐州人本河西綏才族都首領其父事契丹為左千牛衛將軍開寶二年率眾來歸承美授豐州牙內指揮使父卒改天德軍蕃漢都指揮使知州事移豐州刺史遣軍校詣闕言願誘退渾突厥內附上嘉其意太平興國七年與契丹戰斬獲以萬計禽其天德軍節度使事太以獻明年契丹來寇又擊敗其眾萬餘追北至青家百餘里斬獲益眾以功授本州

團練使以乞黨族次首領弗克浪買為歸德郎將
沒細大首領越移為懷化大將軍瓦窰為歸德大將
軍淳化二年冬來朝令歸所部控于河漢自是諸蕃
歲修貢禮頗效忠順景德初來朝以其守邊歲久遷
本州防禦使以還自承美內官給奉同蕃官例至是
特詔月增五萬尋請於州城置孔子廟詔可之未幾
被疾遣使挾醫視之大中二年卒贈恩州觀
察使六年錄其子文寶孫暉以均以官初承美養其長
孫文一為子奏署殿直及死其本族首領上言文玉
曉達軍政請令襲承美任下蕃漢議議同以為侍禁

知州事文玉父文恭時為侍禁在沂州表訴其事
改文恭為供奉官九年承美死葬詔以緡帛米麴羊酒
賜其家

李繼周延州金明人祖計都父孝順皆為金明鎮使
繼周嗣掌本族太平興國三年東山蕃落集衆寇清
化砦繼周率衆敗之殺三千餘人補殿前承旨雍熙
中又與候延廣敗未截未腋等族於渾州西山淳化
四年遷殿直賜介冑戎器茶絲明年討李繼遷命開
治塞門鴉兒兩路又招降族帳首領二十餘人率所
部入夏州敗蕃兵數千於石堡砦以功轉供奉官復

親

加恩賞仍賜官第繼周以河都關塞門盧關等砦最
居邊要遂親修築砦城有磨盧家頌咩拽藏等族居
近盧關未嘗內順繼周夜率所部往襲焚之斬首得
獲甚衆至道二年授西京作坊副使賜袍帶銀絲雕
戈以寵之太平軍討西夏命為延州路踏白先鋒會繼
遷邀戰於路繼周戰却之咸平初改西京左藏庫副
使三年復為先鋒入賊境焚積聚殺人畜獲器甲凡
六十餘萬授供備庫使領金明縣兵馬都監新砦解
家河盧關路都巡檢五年授西京作坊使蕃騎入斂
繼周逐之出境景德元年夏人圍麟州繼周受詔率

兵會李繼福掩擊之加領誠州刺史大中祥符二年
卒年六十七詔邊臣擇其子可襲職者以名聞邊臣
言其子殿直士彬遜悞從子士用朴忠練邊事且為
部落所伏乃詔士彬管勾部族事士用為巡檢都監
以左右之士彬後至供備庫副使金明縣都監新砦
解家河盧關路巡檢康定元年元昊反攻保安軍而
潛兵襲金明士彬父子俱被禽士彬兄士紹至內殿
崇班士用至供奉官閣門祗候李繼福者亦與繼周
同時歸順授永平砦交村軍主以戰功歷歸德將軍
領順州刺史至內殿崇班新歸明諸族都巡檢

孫行友莫州清苑人世業農初定州西二百里有狼山者當易州中路舊有城堡邊人賴之以避寇山中蘭若有尼姓孫氏名深意有術惑衆行友兄子方諫名之為姑師事之甚謹及尼坐亡行友益神其事因以其術然香燈聚民漸衆自謂以帝與契丹絕好邊州困於轉輸逋民往往依方諫推以為帥方諫懼主帥捕逐乃表歸朝因署為東北西招牧指揮使且賜院額曰勝福每契丹軍來必率其徒龍擊之鎧仗畜產所得漸多人益依以避難焉易定帥聞于朝因以方諫為邊界遊奕使行友副之自是捍禦侵軼多所

殺獲乘勝入祁溝關至庸城破飛狐皆契丹頗畏之邊民千餘家賴以無患然亦陰持兩端以圖自固已而習師失律勸人導契丹陷中原方諫之密構也契丹授方諫定州節度使行友易州刺史以番將耶律惠代方諫於雲州方諫不受命歸保狼山契丹北歸焚劫中山方諫自狼山率衆復保定州歸命於漢授行友易州刺史行友京州刺史某兄持角以居寇每入諸軍鎮閉關絕糧一無所得行友嘗遣都校王友遇巡警於石河與契丹遇殺百餘騎皆獲其刺史蔡福順清光令三寶乾祐守契丹復遣行友禦之

四百八十八
傳殺數百人周太祖北征行友道嚴得識人馬以求
見且請自效迺厚加賜予留之軍門及周祖受命行
友屢上言偵得契丹離合願得勁兵三千乘間平定
幽州乃移方讓鎮華州以行友為定州留後顯德初
正授節度世宗自河東還加檢校太傅六年世宗北
征行友攻下契丹之易州擒其刺史任敏以獻宋初
加同平章事狼山佛舍妖妄愈甚泉遼之不可禁行
友不有安累表乞解官歸山詔不允建隆二年乃徙
其帑廩為集丁壯繕治兵甲欲還狼山以自固兵馬
都監蔡繼能密表其事太祖遣問門副使武懷節馳

騎會鎮趙之兵獮巡邊直入其城行友不之覺既而
出詔示之令舉族赴闕行友蒼黃聽命既至命侍御
史李維岳就第鞫之得實下詔切責削奪從前官爵
勒歸私第仍戮其部下數人遣使馳詣狼山輦其尼
師之屍焚之行友弟易州刺史方進兄子保塞軍使
全暉皆詣闕待罪詔釋之四年秋詔免行友禁錮未
幾以郊祀恩起為右龍武軍將軍乾德二年遷右監
門衛大將軍又改左龍武軍大將軍太平興國六年
卒年八十贈左衛上將軍方進至德州刺史子全照
全照字繼明以蔭補殿直雍熙中授京南巡檢俄隸

幽州部署曹彬麾下遷供奉官閤門祗候歷靜戎威
虜二軍監軍從田重進擊賊有功就加西京作坊使
兼知威虜軍連為廣韶鄜延二路都巡檢使淳化五
年率兵與李繼隆克綏州因與張崇貴等同戍守之
俄護屯兵於夏州兼知州事召還為登萊路都巡檢
使遷左藏庫使延州監軍兼阿都關盧關路都巡檢
事咸平初入掌軍頭引見司二年加如京使為涇原
路鈐轄兼安撫都監是冬徙并汾等州都巡檢使三
年改知順安軍代還復為環慶路鈐轄與李繼和規
度靈州道路四年加西上閤門使復為環慶路鈐轄

親

五年將城綏州以慕興為綏州路部署全照為鈐轄
既又慮全照素剛執與興不協乃以曹璨代之既調
兵夫二萬餘全照言其非便乃罷又嘗命度地河北
全照言沿河高阜可分置城堡屯戍者寧邊軍南武
強縣側凡二處上重於興役止命營安平南徙置祁
州俄知天雄軍府六年夏上裁定防秋禦戎之要命
為平邊軍部署領兵八千扼要害之路以全照好陵
人取其嘗所保薦者王德鈞裴自榮共事焉景德元
年上幸澶淵命為駕前西面邢洺路馬步軍鈐轄兼
天雄軍駐泊兼管勾東南具冀等州鈐轄全照言若

敵騎南逼魏城但得騎兵千百必能設奇取勝上賞
其忠果乃傳詔都部署周瑩若全照欲擊賊即分兵
給之既而邊騎果逼府城全照拒退之真宗遣使勞
慰時契丹請和朝廷遣曹利用就其行帳議事全照
疑非誠懇勸判府王欽若留不遣故德清軍不能守
吏民多為賊所害及契丹出境北面將帥還師併至
府城全照令以次雙行入門魏能不從其約率兵馬
全入全照坐城樓引弓射之欽若入朝就命全照知
軍府事以城守勞加檢校工部尚書增食邑三百戶
徙鎮州召還進東上閣門使領英州刺史全照形短

精悍知兵以嚴毅整肅然性剛使氣專任刑罰中書
初進擬嚴州刺史上曰全照深刻常慮人以嚴察議
已今授此州似涉譏誚乃改焉三年為邠寧環慶都
部署趙德明納款朝議減西鄙戍兵令屯近地全照
以邊防不可無備未即奉詔上曰全照是好勇多言
者德明使已至闕復何慮焉因徙全照知永興軍府
仍拜四方館使西師移屯者至府命全照兼駐泊鈐
轄全照許州有別墅求典是州可之大中祥符中遷
引進使踰歲表求歸朝命掌閤門客省四方館事四
年車駕西幸留為新城都巡檢未幾卒年六十一

論曰五代之季邊圉之不清也久矣六祖之興雖不
勤遠略而向之陸梁跋扈而不可制者莫不竭忠效
節雖奔走僵仆而不避豈人心之有異哉良由威德
之並用控御之有道也折氏據有各府與李彝興之
居夏州初無以異太祖嘉其嚮化許以世襲雖不無
世卿之嫌自從阮而下繼生名將世篤忠貞足為西
計之捍可謂無負於宋者矣承美繼周分滋種落亦
能世其職者也繼業雖出戡叛之族而有循良之風
方諫行友介遼晉間持兩端以取將相終以首鼠獲
咎其諸異端之言以全照職親禁衛素稱嚴果而昧
於弭兵之利君子所不予也

列傳卷第十三

宋史二百五十四

開傳同司正國醫國醫前書君相醫國醫經進事都總政院等承
翟

侯益

子仁寶

張從恩

扈彥珂

薛懷讓

趙贇

李繼勳

藥元福

趙鼎 子延溥

侯益汾州平遙人祖父以農為業唐光化中李克用
據太原益以拳勇侍麾下從莊宗攻大名先登擒軍
校擢為馬前直副兵馬使征蜀守光先登遷軍使破
洛州為機石傷足莊宗親以藥傅其瘡及愈改護衛

指揮使梁小將李立李健以驍勇聞軍中憚之會莊
宗與梁人戰河上益挺身出鬪擒其二將還馬前直
指揮使莊宗入汴為本直副都校從明宗討趙在禮
於鄆會新軍推戴明宗益脫身歸洛莊宗撫其背出
涕明宗立益面縛請罪明宗曰爾盡忠節又何罪也
改本直左廂都校天成初朱守殷據夷門叛益率所
部斬關先入轉左右馬前從馬直都校領潘州刺史
正都據定州叛益從王晏球攻討會契丹來援益逆
擊之破其衆唐河北克其城授寧州刺史入為羽林
軍五十指揮都校領費州刺史時夏師李仁福卒子

舉趙擅命自立以邀節鉞命益帥師討之明宗不豫
遽追還應順初潞王舉兵鳳翔以益為西面行營都
虞候益知軍情心變稱疾不奉詔執政怒出為商州
刺史蜀軍寇金州益率鎮兵襲擊大破之詔賜襲衣
名馬加西面行營都巡檢使晉初召為奉國都校領
光州防禦使范延光反六名張從賓據河陽為聲援
晉祖召益謂曰宗社危若綴旒卿能為朕死耶益曰
願假銳卒五千人破賊必矣以益為西面行營副都
部署率禁兵數千人次虎牢從賓軍萬餘人夾汜水
而陣益親鼓上乘之大敗其衆擊殺殆盡汜水為之

不流從賓乘馬入水溺死禁京觀刻石紀功晉祖大
 喜拜河陽三城節度充鄴都行營都虞候會延光以
 城降移鎮潞州天福四年晉祖追念虎牢之功遷武
 寧軍節度同平章事遣中使謂益曰朕思卿前年十
 月九日大立戰功故復以此月與日從卿鎮彭門領
 相印仍賜門戟改鄉里為將相鄉勲賢里九月徐州
 大火益出金粟糧之明年從鎮秦州充西面都部署
 階州義軍校王君懷苦其刺史暴虐率眾數千投蜀
 請為先鋒下秦成諸州益聞之懼請援於朝又潛遣
 書於蜀將以達誠意少帝聞之疑為邊患議徙於內

地會蒲帥安審琦移鎮許下以益為河中尹護國軍
 節度契丹入汴益率僚屬歸京師諸契丹主自陳不
 預北伐之謀契丹授以冊翔節度漢祖即位加無侍
 中益自以嘗受契丹命謂漢兵入洛憂之浚城隍為
 備孟昶遣益所親掌樞密王回齎書招益復遣綿州
 刺史吳崇暉厚遣之崇暉本秦州押衙益故吏也及
 何重建為帥遣崇暉奉表以階秦歸蜀授刺史故昶
 遣之益遂與其子歸蜀昶令重建率川兵數萬出大
 散關以應之漢祖知其事遣客省使王景崇率禁軍
 數千倍道趨岐下召益入朝時漢祖已不豫召至卧

內謂之曰候益貌順朝廷心懷携貳爾往至彼如益
來即置勿問苟遲疑不決即以便宜從事景崇至京
兆合岐雍邠涇之師以破蜀軍益懼即謀入朝會聞
漢祖崩景崇欲誅益慮隱帝不知先朝密旨從事程
渥景崇里人也益因遣之說景崇曰君致位通顯亦
可小知止足何必懷禍人之心為己甚之事乎况候
君親戚瓜牙甚衆事若妄發禍亦旋踵至矣景崇怒
曰子去勿為游說吾將族爾益知不用渥言即率數
十騎奔入朝隱帝遣侍臣問益結連蜀軍之由益對
曰臣欲誘之出關掩殺之耳隱帝笑之益厚賂史弘
肇輩言景崇之橫怒諸權貴深庇護之乃授以開封
尹兼中書令俄封魯國公景崇聞之遂據城叛益親
屬在城中餘七十口悉為景崇所害及周祖起兵隱
帝議出師禦之益獻計曰王者無敵於天下兵不宜
輕出况大名戍卒家屬盡在京城不如閉關以挫其
銳遣其母妻發降以招之可不戰而定慕容彥超以
為益衰老作懦夫計沮之隱帝遣益與彥超及張彥
超閻進卿吳虔裕守澶州至赤岡周師奄至戰留子
陂漢軍不利益臨陣見士卒無鬪志又占候不祥乃
與焦繼勳等夜謁周祖周祖慰勞遣還廣順初封楚

國公改太子太師俄又改封齊國公顯德元年冬告
老以本官致仕歸洛遣使賜茶藥錢帛就撫問之太
祖即位遣賜器幣歲一來朝太祖以耆舊厚待之乾
德初効祀詔綴中書門下班禮與承相等三年卒年
八十贈中書令五子仁愿仁矩仁寶仁遇仁興仁愿
至左金吾衛大將軍遂州刺史仁遇西京內園使仁
興右屯衛將軍仁愿子延濟西京作坊使康州刺史
仁矩從益為商州牙校益之討張從賓也仁矩首犯
賊鋒以功領遂州刺史允河南牙職從益歷潞徐秦
三鎮開運初入為糧餉一出為天平行軍司馬漢初

授隰州刺史至郡決滯訟一日釋繫囚百餘獄為之
空民情悅服仕周歷左羽林將軍出為泗州刺史改
通州兼屯田鹽鐵監使宋初歷析雒二州刺史治軍
有方略歷數郡咸有善政開寶二年卒年五十六太
祖甚惜之特命中使護喪子延廣延之咸平二年進
士及第

仁寶以蔭遷太子中允即趙普妹壻盧多遜與普有
隙普罷相即以仁寶知邕州州之右江生毒藥樹宣
化縣人常採貨之仁寶以聞詔盡伐去九年不代太
平興國中上言陳取交州之策太宗大喜令馳驛召

歸多遜遽奏曰若召仁寶其謀必泄蠻夷增備未易取也不如授仁寶飛輓之任且經度之別遣備將發荆湖士卒一二萬人長驅而往勢必萬全帝以爲然遂以仁寶爲交州水陸計度轉運使前軍發遇賊鋒甚盛援兵不繼遇害死江中太宗聞之甚悼惜特贈工部侍郎錄其子延齡延世並爲齋郎延齡至殿中丞延世至太子中舍

延廣初在襁褓中遭王景崇之難乳母劉氏以已子代延廣死劉氏行丐抱持延廣至京師還益延廣父歷通祁雒三州刺史悉以補牙職仁矩在雒州日方

飲宴虜數十騎白晝入州城居民驚擾延廣引親信數騎馳出衙門射殺其酋長一人斬首數級悉禽其餘黨延廣持首級以獻仁矩喜拊其背曰興吾門者必汝也監軍李漢超以其事聞詔書褒美賜錦袍銀帶仁矩卒補西頭供奉官從党進討太原太平興國初預初永昌陵出護延州軍兼緣邊巡檢善撫士卒下樂爲用戎人畏服遷閣門祗候會西北戎入寇邊人擾亂求可使徼巡者近臣言延廣將家子習邊事無出其右延廣時被病強起之遷崇儀副使充同鄜坊延丹緣邊都巡檢使延廣力疾入辭太祖賜以名

素 遂 間

藥及方遣太醫隨侍其疾亦尋愈戎人聞延廣之至不敢復為寇亂叛卒劉渥嘯聚亡命數百人寇耀州富平縣謀入京兆其勢甚盛所過殺居民奪財物縱火而去關右騷然延廣率兵數百自間道追之會渥於富平西十五里渥衆已千餘人相持久之渥素憚延廣傳言我草間求活觀死如鴻毛耳侯公家世富貴奈何不思保守而與亡卒爭一旦之命於鋒鏑之下延廣怒因擊之挺身與渥鬪大樹下斷渥右臂渥脫走乘勢大破其衆渥創甚止谷中後數日為追兵所獲渥素號驍勇無敵至是為延廣所殺群盜喪氣餘黨稍稍自歸關右以定上嘉之擢拜崇儀使渥化二年李繼遷始擾夏臺即命延廣領慶州刺史知靈州賜金帶名馬會趙保忠陰結繼遷朝廷命騎將李繼隆率兵問罪以延廣護其軍既而夏臺平保忠就縛手詔褒美錫賚甚厚師還留為延州鈐轄會節帥田重進老老郡中不治以延廣同知州事兼緣邊都巡檢使先是延廣知靈州部下嚴整戎人悅服李繼遷素避其鋒監軍康贇元害其功誣奏延廣得虜情恐後徭強難制遷詔遷以慕容德豐代之部內甚不治至道間繼遷寇靈州朝廷謀帥同知樞密院事錢

吳淵刻

若水稱延廣可使就拜寧州團練使知靈州兼兵馬都部署賜白金二千兩歲增給錢二百萬戎人塞道郵傳餽餽皆不通延廣獨引數十騎之鎮戎人素服其威名皆相率引避二年春被病上遣御醫馳驛視之醫至疾已亟延廣謂中使李知信曰延廣自度必不起家世受國恩今日得死所矣但恨未立尺寸功以報上耳言訖而卒年五十上聞之為出涕謂甚厚以其子為六品正員官子紹隆東染院使帶御器械紹隆子宗亮右侍禁閣門祗候

張從恩并州太原人父存信振武軍節度後唐明宗

及

微時嘗隸存信麾下時從恩尚幼頗無賴明宗甚薄之及即位止授散秩從恩不得志乃退歸太原晉祖鎮河東為少帝娶從恩女晉初以外戚擢為右金吾衛將軍未幾改刺貝州遷北京副留守移授澶州防禦使歷樞密副使宣徽南院使權西京留守俄判三司安從進叛于襄陽以從恩為行營兵馬都監少帝嗣位襄陽平遷檢校太尉開封尹充東京留守少帝自鄴歸汴改鄴都留守錫賚加等仍賜銀裝肩輿二俾迎其家明年契丹擾河朔從恩僅能完守尋加同中書門下平章事是歲契丹將趙延昭據甘陵命從

恩爲貝州行營都部署從恩至延昭遁去詔與杜重
威合兵三萬北伐開運初改天平軍節度契丹復擾
邊命十五將北征以從恩充北面行營都監二年移
鎮晉州又改潞州及契丹入汴從恩欲降從事高防
諫曰公晉室之親宜盡臣節從恩不聽乃棄城而去
巡檢使王守恩悉取其家財以城歸漢祖漢祖至汴
從恩惶懼不敢出漢祖召賜襲衣金帶鞍勒馬器幣
以安慰之尋拜右衛上將軍奉朝請周初遷左金吾
衛上將軍周祖征兗州從恩從行世宗嗣位加檢校
太師封褒國公宋初改封許國公久之以病免乾德

四年卒年六十九

扈彥珂代州鴈門人幼事王建立以謹厚稱晉天福
中建立節制潞州卒遺表薦彥珂得補河東節度左
都押衙會漢祖自太原建號權爲宣徽南院使未幾
授鎮國軍節度華商守州觀察處置等使乾祐初河
中李守貞永興趙思綰鳳翔王景崇並據城叛周祖
爲樞密使總兵出征道出華州時議多以先討景崇
思綰爲便周祖意未決彥珂曰三叛連衡惟守貞爲
主宜先擊河中河中平則永興鳳翔失勢矣今捨近
圖遠若景崇思綰逆戰于前守貞兵其後腹背受敵

為之奈何周祖從其言及平河中以功遷護國軍節
度時蒲人彫弊思得良帥鎮撫彥珂暗弱朝議少之
廣順初就加同平章事移鎮滑州歲餘代歸與鳳翔
趙暉俱獻緡帛請開宴不納以滑州李守貞宅賜之
世宗嗣位授左衛上將軍顯德三年以老疾上章求
退授開府儀同三司太子太師致仕歸西京太祖即
位遣使就賜器幣數月卒年七十五

薛懷讓其先戎人徙居太原少勇敢喜戰鬥後唐莊
宗在鎮得隸帳下累歷軍職明宗時改神武右廂都
校領獎州刺史東川董璋遣懷讓率本軍從晉討
賊賊平遷絳州刺史清泰初移申州明年表乞罷郡
赴代北軍力陳不允晉天福中范延光叛於鄴以懷
讓為招牧使及戰中流矢詔賜湯藥存問又歷沂遼
密懷四州刺史所至無善政頗事誅斂楊光遠反青
州召懷讓至關賜襲衣玉帶為行營先鋒都指揮使
以功改宿州團練使會契丹南侵少帝幸澶州遣懷
讓與李守貞皇甫遇梁漢璋率兵萬人緣河而下以
守汶陽時契丹歲擾邊陲朝廷擇驍將守要郡命懷
讓為洛州團練使會符彥雍北討契丹以懷讓為馬
軍左廂都指揮使又從北面都招討杜重威為先鋒都

指揮使及重威降契丹於中渡橋懷讓亦在籍中其志也契丹主比歸留麻答守鎮州麻答遣步健督洛州供運懷讓聞漢祖舉義晉陽即殺步健奉表歸漢漢祖遣郭從義分六萬餘與懷讓取邢州時為帥劉鐸守邢臺堅壁拒之不克而還麻答遣副將楊安以八百騎攻懷讓又命剛鐵將三百騎繼之懷讓戰不勝退保本州契丹大掠其封內及麻答為鎮軍所逐楊安亟遣鐸又納款漢祖懷讓乘其不虞遣人給鐸云我奉詔為邢州帥今率衆襲契丹請置頓于郡鐸無拒心輒開門迎之懷讓殺鐸奪其城漢祖即授

以安國軍節度隱帝即位移鎮同州及殺楊邠等急召懷讓至關會北郊兵敗懷讓降于周祖周祖登位賜襲衣金帶鞍勒馬遣還任加同平章事劉崇入寇懷讓表求西征詔褒之夏陽富人張廷徽誣告趙隱等五人為盜殺人且享賂懷讓子有光懷讓知之即諷吏掠治隱等強伏之遣掌書記李炳親校賈進蒙追判官劉震等鍛成其獄隱等皆棄市家人詣闕訴冤懷讓亦自入朝遽獻錢百萬請開宴不納俄捕獲本賊下御史臺鞠問懷讓懼獻馬十匹復不納有司請逮懷讓繫獄周祖以宿將釋不問杖流震等俄以

懷讓為左屯衛上將軍世宗即位加左武衛上將軍
顯德五年請老拜太子太師致仕恭帝即位封杞國
公建隆元年卒年六十九贈侍中懷讓好畜馬馳馬
有大鳥小鳥者尤奇駿漢隱帝使求之吝而不獻及
罷節鎮環衛祿薄猶有馬百匹橐駝三十頭傾資以
給芻粟朝夕閱視為娛家人屢勸鬻以供費懷讓不
聽及死童僕皆翳面以哭蓋其俗也

趙贊字元輔本名美後改焉幽州薊人祖德鈞後唐
盧龍節度封北平王父延壽尚明宗女興平公主至
樞密使忠武軍節度贊幼聰慧明宗甚愛之與諸子

外孫石氏並育於六宅暇日因遍閱諸孫數十人目
贊曰是兒令器也贊七歲誦書二十七卷應神童舉
明宗詔曰都尉之子太尉之孫幼能誦書弱不好弄
克彰庭訓宜錫科名可特賜童子及第仍附長興三
年禮部春榜又之延壽出鎮宣武軍因奏署牙內都
校清泰末晉祖起并門命延壽以樞密使將兵屯上
黨德鈞將本軍自幽州來會時晉祖以契丹之援引
兵南下德鈞父子降晉契丹主盡錮之北去贊獨與
母公主留西洛天福三年晉祖命贊奉母歸薊門契
丹署為金吾將軍數年契丹以延壽為范陽節度又

署贊爲牙內都校開運末契丹主將謀南侵委政延
壽及平原陷贊復受契丹署爲河中節度延壽從契
丹北歸贊得留鎮河中未幾漢祖起晉陽贊奉表勸
進漢祖加檢校太尉仍鎮河中改京兆尹晉昌軍節
度贊懼漢疑已潛遣親吏趙仙奉表歸蜀判官李恕
者本延壽賓佐深所委賴至家事亦參之及贊出鎮
從爲上介至是恕語贊曰燕王入遼非所願也漢方
建國必務懷柔公若泥首歸朝必保富貴狼狽入蜀
理難萬全儻復不容後悔無及公能聽納請先入朝
爲公申理贊即遣恕詣闕漢祖見恕問贊何以附蜀

恕曰贊家在燕薊身受契丹之命自懷憂恐謂陛下
終不能容招引西軍蓋圖苟免臣大國家甫定務安
臣民所以令臣乞哀求覲漢祖曰贊之父子亦吾人
也事契丹出於不幸今聞延壽落於陷竄吾忍不容
贊耶恕未還贊已離鎮入朝即命爲左驍衛上將軍
徙恕邠州判官贊仕周歷左右羽林左龍武三統軍
世宗南征初遣贊率師巡警壽州城外俄命爲淮南
道行營左廂排陣使世宗歸京留贊與諸將分兵圍
壽春贊獨當東面諸將戰多不利贊獨持重自秋涉
冬未嘗挫衄及受詔移軍尺椽片瓦悉輦而行城中

人無敢睥睨者會吳遣驍將魯公綰帥十餘萬衆沂
淮奄至跨山爲柵阻肥水俯瞰城中時大軍已解圍
贊與大將楊承信將輕騎斷吳人饟路又獨以所部
襲破公綰軍爲流矢所中世宗再征壽春命造橋渦
口以通濠泗令騎帥韓令坤董其役俾贊副之屬霖
兩淮水漲溢濠人謀乘輕舟奄焚其橋贊覘和之設
伏橋下濠人果至贊令強弩亂發殺獲甚衆及世宗
移兵趣濠以牛革蒙大盾攻城贊親督役矢集于甬
雖被重傷猶力戰遂拔其羊馬城刺史唐景思死焉
團練使郭延靖以城降世宗詔褒美之又以所部兵

知

巡撫滁和之間破吳人五百于石潭橋淮南平以戰
功多授保信軍節度贊入視事盡去苛政務從寬簡
居民便之恭帝即位加開府階宋初加檢校太師移
忠正軍節度預平維揚歲餘改鎮延州受密旨許以
便宜行事將及州境乃前後分置步騎綿綿不絕林
莽之際遠見旌旗所部羌渾來迎無不懾服乾德六
年移建雄軍節度秋命將征太原以贊為邠州路部
署開寶二年太祖將討晉陽又以爲河東道行營前
軍馬步軍都虞候車駕薄城下分軍四面贊扼其西
偏并人乘晦自突門潛犯贊壘贊率衆擊之久而方

退弩矢貫足太祖勞問數四賜良藥傳之四年改鎮鄜州太宗即位進封衛國公太平興國二年來朝未見而卒年五十五贈侍中贊頗知書喜為詩容止閑雅接士大夫以禮馭衆有方略其為政雖無異跡而吏民畏服亦近代賢帥也

李繼勳大名元城人周祖領鎮選隸帳下廣順初補禁軍列校累遷至虎捷左廂都指揮使領永州防禦使顯德初遷侍衛步軍都指揮使領昭武軍節度歲餘改領曹州世宗親征淮上令繼勳領兵屯壽州城南進洞屋雲梯以攻其城繼勳怠於守禦為其所敗

死者數萬梯屋悉皆被焚召歸闕出為河陽二城節度議者以為失責帥之義及再幸壽春回左授繼勳右武衛大將軍又以其掌書記陳南金裨贊無狀并黜之顯德四年冬復從世宗南征及次迎鑾即命繼勳帥黑龍船三十艘於江口難敗吳兵數百獲戰船二艘以功遷左領軍衛上將軍七月改右羽林統軍六年春世宗幸滄州以繼勳為戰擢左廂都部署前澤州刺史劉洪副之俄權知邢州恭帝即位授安國軍節度加檢校太傅宋初加檢校太尉太祖平澤潞繼勳朝于行在即以為昭義軍節度是秋率師入河

東燔平遙縣俘獲甚衆建隆二年冬又敗并軍千餘人斬首百餘級獲其遼州刺史傅延彥及弟延勳來獻乾德二年詔與康延沼尹訓率步騎萬餘攻遼州太原將郝貴超領兵來援戰于城下繼勳大敗之州將杜延韜危蹙與拱衛都指揮使冀進兵馬都監供奉官侯美藉部下兵三千送款於繼勳即遣內供奉官都知慕容延忠入奏詔褒之未幾并人誘契丹步騎六萬人來取遼州復遣繼勳與羅彥瓌郭進曹彬等領六萬衆赴之大破契丹及太原軍於城下五年加同平章事開寶初將征河東以繼勳為行營前軍都部署敗并入於渦河二年太祖親征河東命繼勳為行營前軍都部署駕至城下分軍四面繼勳柵其南三年春移鎮大名太平興國初加兼侍中俄以疾求歸洛陽許之賜錢千萬白金萬兩是秋上表乞骸骨拜太子太師致仕朝會許綴中書門下班尋卒年六十二贈中書令繼勳累歷藩鎮所至無善政然以質直稱信奉釋比與太祖有舊故特承寵遇弟繼暉府有武勇周顯德末補內殿直宋初累歷軍職開寶中為步軍副都軍頭太平興國三年遷內外馬步軍副都軍頭坐事改右衛率府率六年加本衛將軍領

樊州刺史累至龍衛右廂都指揮使領本州團練使
繼勳字守恩至如京使守元至北作坊使守徽為崇
儀副使

藥元福并州晉陽人幼有膽氣善騎射初事邢師王
檀為廳頭軍使以勇敢聞事後唐為拱衛威和親從
馬鬪軍都校天平軍內外為軍都指揮使晉天福中
為深州刺史開運初契丹陷甘陵圍魏郡師次於河
少帝駐軍澶淵契丹陣於城北東西連亘掩城兩隅
登陴望之不見其際元福以左千牛衛將軍領兵居
河東備澶民有馬破龍者告契丹曰先攻其東即浮

梁可奪契丹信之遂就來戰元福與慕容谷鄴各領二
百騎為一隊躍出而鬪元福奮鐵搥擊契丹斃者數
人左右馳突無不拔靡契丹兵潰少帝登城見元福
力戰召撫之曰汝奮不顧命雖古之忠烈無以過之
元福三馬皆中流矢少帝擇名馬賜之明日將戰而
授元福鄭州刺史為權臣所沮止刺原州俄改秦州
明年契丹復入命元福與李守貞符彥卿皇甫遇張
彥澤等禦之於陽城為右廂副排陣使晉師列方陣
設拒馬為行砦契丹以奇兵出陣後斷糧道晉人之
水土馬飢渴鑿井不及泉上輒壞塞契丹順風揚塵

諸將皆曰彼勢甚銳俟風反與戰破之必矣守貞與元福謀曰軍中飢渴已甚若俟風反出戰吾屬為虜矣彼謂我不能逆風以戰宜出其不意以擊之此兵家之奇也元福乃率麾下騎開拒馬出戰諸將繼至契丹六敗追北二十餘里殺獲甚衆敵師與百餘騎遁去以元福為威州刺史會靈武節度土令溫以漢法治蕃部西人苦之共謀為亂三族酋長拓跋彥超石存也斷髮率衆攻靈州令溫遣人間道入奏乃以河陽節度使馬暉鎮朔方召關右兵進討以元福將行營兵元福與暉出威州土橋西遇彥超兵七千餘邀暉行奪元福輜載五十里殺千級禽二十餘人又遣部校授出令溫護送洛下朔方軍威州七百里無水草號旱海而與齋糧以行至耀德食盡比朔行四十三步超等衆數萬布為三陣扼要路據水泉以待暉軍軍中大懼暉遣人賂以金帛求和解彥超許之復者往復數四至日中列陣如故元福曰彼知我軍飢渴邀我於險既許和解而日中未決此豈可信哉欲困我耳遷延至暮則吾黨成禽矣暉驚曰奈何元福曰彼雖衆而精兵絕少依西山為陣者是也餘不足慮元福請以麾下騎先擊西山兵公但嚴陣不動

後敵少却當舉黃旗為號旗舉則合勢追擊敗之必
矣暉然其策遂率衆進擊敵衆果潰元福即舉黃旗
以招暉暉軍繼進彥詔大敗橫尸敵野是夕入清邊
軍明日至靈州元福還郡詔贈暉元福衣帶繒帛銀
器漢乾祐中從趙暉討王景崇於鳳翔時兵力寡弱
不滿萬人蜀兵數萬來援景崇至寶鷄依山列柵都
監李彥從以數千人擊蜀軍衆寡不敵漢軍少却元
福領數百騎自後驅之下今還顧者斬衆皆殊死戰
大敗蜀兵追至大散關殺二千餘人餘皆棄甲遁去
鳳翔平以功遷晉州刺史周廣順初王彥詔討徐州

叛將楊溫以元福為行營兵馬都監數月克之率師
還京改陳州防禦使未幾劉崇引契丹擾晉州命樞
密使王峻率兵拒之以元福為西北面都排陣使軍
過蒙坑崇夜燒營遁峻令元福與仇超陳思讓追至
霍邑既行又遣止之元福謂思讓等曰劉崇召契丹
擾邊志在疲弊中國今兵未交而遣宜追奔深入以
挫其勢諸將畏懦遂止周祖知其事明年因調兵戍
晉州謂左右曰去年劉崇之遁若從藥元福之言則
無邊患矣俄與曹英向訓討慕容彥超於兗州元福
為行營馬步軍都虞候詔元福自晉州率所部入朝

宋史列傳卷第三十九
十九
即遣東行賜六銖袍帶鞍馬器仗周祖謂曰此圃曹
州防禦使鄭璋我度彥超凶狡多計謀恐璋不能集
事選爾代之已敕曹英向訓不令以軍禮見汝及至
軍中英訓皆尊禮之當時有為宿將築連城以圍充
彥超晝夜出兵元福屢擊敗之遂閉壁不敢出十餘
日元福營柵皆就又穴地及築土山百道攻其城會
周祖親征元福以所部先入羊馬城諸軍鼓譟魚進
拔之以功授建雄軍節度世宗高平之戰劉崇敗走
太原遂縱兵圍其城以元福為同州節度克太原四
面濠砦都部署時攻具悉備城中危急以糧運不繼

詔令班師元福上言曰進軍甚易退軍甚難世宗曰
一以委卿遂部分卒伍為方陣而西元福以麾下為
後發崇果出兵來追元福擊走之師還加檢校太尉
移鎮陝州又歷定廬曹三鎮宋初加檢校太師九月
卒年七十七贈侍中元福雖老筋骨不衰人或言其
氣貌益壯當復領兵必大喜曲致禮待或加以贈遺
時稱驍將

趙晁真定人初事杜重威為列校重威誅屬周祖鎮
鄴中晁因委質麾下周祖開國擢為作坊副使慕容
彥超據兗州叛以晁為行營步軍都監兗州平轉作

坊使晁自以逮事霸府復有軍功而遷拜不滿所望
居常怏怏時樞密使王峻秉政晁疑其軋已一日使
酒詣其第毀峻峻不之責世宗嗣位改控鶴左廂都
指揮使領賀州刺史從征劉崇轉虎捷右廂都指揮
使領本州團練使兼行營步軍都指揮使軍至河內
世宗意在遠戰令晁倍道兼行晁私語通事舍人鄭
好謙曰賊勢方盛未易敵也宜持重以挫其銳好謙
以所言入白世宗怒曰汝安得此言必他人所教言
其人則舍爾不言當死好謙懼遂以實對世宗即命
并晁戒於州獄軍迴始赦之及征淮南改虎捷左廂

領閬州防禦使充前軍行營步軍都指揮使又為緣
江步軍都指揮使時李重進敗吳人于正陽以降卒
三千人付晁晁一夕盡殺之世宗不之罪壽春平拜
檢校太保河陽三城節度孟懷等州觀察措置等使
恭帝即位加檢校太傅宋初加檢校太尉未幾以疾
歸京師卒年五十二太祖喜悼之贈太子太師再贈
侍中晁身長七尺儀貌雄偉好聚斂慶方鎮以賄聞
以周初與宣祖分掌禁軍有宗盟之分故太祖常優
禮之再加贈典焉子延溥

延溥周顯德中以父任補左班殿直宋初為騎指

四白十
揮使開寶初太祖親征晉陽太宗守京邑延溥以所部為帳下牙軍轉殿前殿員指揮使九年改鎮騎都虞候太宗即位遷殿前殿員指揮使九年改鎮騎都虞候太宗二年轉內殿直都虞候三年改馬步軍都虞候從平太原略並燕薊六軍扈從有後期至者帝怒欲賞于法延溥遂進曰陛下巡行邊陲以防禦外侮今契丹未殄而誅護將士若舉後圖誰為陛下戮力乎帝嘉納之師還遷內外馬步軍都掌頭領本州防禦使五年殿前白進超卒即以延溥為日騎天武左左廂都指揮使兼權殿前都虞候事坐遣親吏市竹

木所過關渡矯稱制免筭責授登州團練使令赴任是冬帝北巡至大名復以延溥為本州防禦使即命為幽州東路行營壕砦都監詔修緣邊城壘逾年加涼州觀察使仍判登州又為鎮州兵馬都部署俄判霸州雍熙二年改蔚州觀察使判冀州會命曹彬等北征又與內衣庫使張紹勅引進副使董愿為幽州西北道行營都監師還命知貝州改滑州部署四年再知貝州以疾求代代未至卒年五十贈天德軍節度子承彬至內殿崇班承彬子咸一為虞部員外郎知宗正承事咸熙天聖八年進士及第

軍都校開運中成太原會漢祖起義以崇為前鋒入
汴改護聖左第六軍都校領鄆州刺史改領富州從
周祖平河中以功遷果州防禦使領護聖右胸都指
揮使周祖鎮鄆以崇領行營騎軍兼天雄軍都巡檢
使乾祐三年冬崇從周祖平國難與李筠拒慕容彥
超於劉子陂走之以崇補侍衛馬軍都指揮使遣馮
道等迎湘陰公贊於徐州將立之會契丹南侵周祖
北征次于澶州為大軍推戴樞密使王峻在京師聞
變遣崇率七百騎東拒贊過於雅陽崇障于牙門外
贊懼登門樓呼崇曰汝等何遽至此示曰澶州軍變
遣崇等來衛乘輿非有他也贊召崇升樓崇未敢登
即遣道下與語崇乃登具言軍情有屬天命已定贊
執崇手泣傍首久之賊而贊所領衛兵都校張令超
以衆歸崇贊親將賈正等數怒目視道將言之贊曰
汝輩勿草草此非關公事崇即送贊就館舍廣順
初領定武軍節度又為京城都巡檢使修城都部署
兼知軍公事未幾復升陳州為節鎮以潁州兼焉
命崇為節度周祖親郊加同平章事出鎮澶州周祖
不豫促還鎮所世宗立并人侵潞州命崇與符彥卿
出固鎮以禦之世宗親征又副彥卿為行營都部署

師還加兼侍中冬移真定尹戊戌德軍節度四年世宗
征淮南契丹出騎萬乘餘掠邊崇率師攻下平鹿縣
斬數百級俘獲甚衆五年天清節崇來朝表求致政
不允賜襲衣金帶器幣鞍勒馬遣之世宗平關南至
靜安軍崇來朝恭帝嗣位加檢校太師宋初加兼中
書令崇追感周室恩遇時復泣下監軍陳思誨密奏
其狀因言常山近邊崇有異心宜謹備之太祖曰我
素知崇篤於恩義蓋有所激發爾遣人覘之還言崇
方對賓屬坐池潭小亭飲博城中晏然太祖笑曰果
朕言未幾來朝時命李重進為平盧軍節度重進

叛改命崇為節制乾德三年卒年五十八太祖聞之
震悼贈太師子守璘至洛苑副使妻即明德皇后之
姊也子允恭以父任授殿直至崇儀副使知常州卒
次女為仁宗皇后天聖三年詔贈崇尚書令兼中書
令守璘太尉寧國軍節度允恭太傅安德軍節度六
年又詔追封崇英國公加贈守璘永清軍節度兼中
書令允恭忠武軍節度兼侍中允恭子中庸左侍禁
閣門祗候副使中和娶潁川郡王德彛女為西染院
副使

楊廷璋字溫玉真定人家世素微賤有姊寡居京師

嘉靖丁巳年

史記

監生朱桂刊

周祖微時欲聘之姊不從令媒氏傳言恐逼姊以告
廷璋廷璋往見周祖歸謂姊曰此人姿貌異常不可
拒姊乃從之周祖從漢祖鎮太原廷璋屢省其姊周
祖愛其純謹姊卒留廷璋給事左右及出討三叛入
平國難廷璋數獻奇計即位追冊廷璋姊為淑妃擢
廷璋為右飛龍使廷璋固辭不拜願推恩其父洪裕
即令召洪裕赴闕以老病辭就拜金紫光祿大夫真
定少尹廷璋歷皇城使昭義兵馬都監澶州巡檢使
世宗自澶淵還京言廷璋有幹材遷客省使俄為河
北巡檢知州事涇帥史懿稱疾不朝周祖命廷璋往

段素刻

代之將行謂之曰懿不就命即圖之廷璋至屏左右
以詔書示懿諭以禍福懿即日載路俄聞周主崩廷
璋嘔血不食者數日世宗立拜左驍衛大將軍克宣
徽北院使征劉崇以為建雄平節度在鎮數年頗有
惠愛前後率兵入太原境拔仁義高壁等砦獲刺史
軍校數十人俘其民數千戶獲兵器羊馬數萬計并
人棄沁州二百里退保新城廷璋遂置保安興同白
壁等十餘砦會隰州刺史孫議卒廷璋遣監軍李謙
溥領州事謙溥至并人來攻其城議者以為宜速救
之廷璋曰隰州城壁堅完并人奄至未能為攻城具

當出奇以破之乃募敢死士百餘人許以重賞由間道遣人約譙溥爲內應既至即銜枚夜擊城中鼓譟以出并人大潰追北數十里斬首千餘級獲器甲萬計奏至世宗喜曰吾舅真能禦寇詔褒之世宗自河東還加檢校太保顯德六年夏率所部入河東界下堡砦十三降巡檢使靳漢晁等三人恭帝即位加檢校太傅宋初加檢校太尉吏民詣闕請立碑頌功德太祖命盧多遜撰文賜之李筠叛潛遣親信使齎蠟書求援鄰境廷璋獲之械送京師因上攻取之策即下詔委以經略及車駕親征詔廷璋率所部入陰地分賊勢賊平歸鎮是秋來朝改鎮邠州乾德四年移邠州開寶二年召爲右千牛衛上將軍四年卒年六十賻帛二百匹廷璋美鬚長上短下好修容儀雖見小吏未嘗懈惰善待士幕府多知名人在晉州日太祖命荆罕儒爲鈐轄罕儒以廷璋周朝近親疑有異志每入府中從者皆持刀劔欲圖廷璋廷璋推誠待之殊不設備罕儒亦不敢發終亦無患議者以廷璋在涇州保全史懿陰德之報也洪裕少時嘗漁於貂裘陂忽有馳騎至者以二石鴈授洪裕一翼掩左一翼掩右曰吾北徼使者也言訖忽不見是年生淑妃

明年生廷璋家遂昌盛廷璋子七人皆不為求官惟表其孤甥安崇勳得西頭供奉官崇勳後唐樞密使重誨子也廷璋子垣垣皆進士及第垣至屯田員外郎鹽鐵副使判官垣為都官郎中

宋偓河南洛陽人謙恭下士祖瑤唐天德軍節度兼中書令父廷浩尚後唐莊宗女義寧公主生偓廷浩歷石原房三州刺史晉初為汜水關使張從賓之叛力戰死之偓年十一以父死事備殿直遷供奉官晉祖嘗事莊宗每偓母入見詔令勿拜因從容謂之曰朕於主家誠無所靳但朝廷多事府庫空竭主所知

也今主居輦下新米為憂富奉主居西洛以就豐稔命偓分司就養敕有司供給至於醢醢率有加等漢祖在晉陽遣其子承訓至洛奉書偓母與偓結昏即永寧公主也累授北京皇城使漢乾祐初拜右金吾衛大將軍駙馬都尉隱帝即位授昭武軍節度移鎮滑州周祖舉兵向關時偓在鎮開門迎謁周祖深德之偓率所部兵從周祖至劉子陂隱帝衛兵悉走投周祖周祖謂偓曰至尊危矣公近親可亟去擁衛無令驚動偓策馬及御營軍已亂矣廣順初丁內艱服除授左監門衛上將軍世宗征淮南令偓與左龍武

四百八十八
統軍趙贊右神武統軍張彥超前景州刺史劉建於
壽州四面巡檢師還以倭為右神武統軍充行營右
廂都排陣使又為廬州城下副部署吳人大發舟師
次東沛洲斷蘇杭之路世宗遣倭領戰艦數百艘襲
之又遣大將慕容延釗率步騎而進水陸合勢大破
之世宗嘗次于野有虎逼乘輿倭引弓射之一發而
斃及江北諸州悉平畫江為界世宗駐迎鑾命倭率
舟師三千泝江而上巡警諸郡師還復授滑州節制
又移鎮鄧州恭帝即位加開府儀同三司宋初加檢
校太師遣領舟師巡撫江徼舒州團練使以超副之

李重進謀以揚州叛倭察其狀飛章以聞太祖令倭
屯海陵以觀重進去就遠從征揚州為行營排陣使
及平以功改保信軍節度來朝徙鎮華州會鑿池都
城南命倭率舟師數千以習水戰車駕數臨觀焉五
年改忠武軍節度開寶初太祖納倭長女為后倭本
名廷渥以父名下字從水開寶初上言改為倭三年
徙邠州太平興國初加同平章事二年移定國軍節
度四年從平太原又從征幽州詔倭與尚食使侯昭
愿領兵萬餘攻城南面師還歸鎮五年冬車駕幸六
名召倭詣行在詔知滄州六年封邢國公俄遷同州

四百八十八
九年又為右衛上將軍雍熙中曹彬等北伐班師命
倭知霸州歸闕端拱二年卒年六十四廢朝贈侍中
謚莊惠中使護葬倭莊宗之外孫漢祖之婿文即孝
章皇后近代貴盛鮮有其比子元靖至供備庫使元
度至供備庫副使元載元亨並至左侍禁閤門祇候
初孝章寢疾語晉國長公主曰我瞑目無他憂惟慮
族屬不敦睦貽笑於人景德中倭幼子元翰果詣京
府求析家財真宗聞之詔釋勿問仍諭其族屬務遵
先后遺戒焉元度子惟簡為殿直惟易為奉職
向拱字星民懷州河內人始名訓避周恭帝諱改焉

少儻負氣弱冠聞漢祖在晉陽招致天下士將往
依之中途遇盜見拱狀貌雄偉意為富家子隨之將
劫其財拱覺行至石會關殺所乘驢市酒會里中蒙
傑告其故咸出丁壯護拱至太原以策干漢祖漢祖
不納客於周祖門下及周初領節鎮署拱知客押牙
周祖即位授宮苑使廣順中遷皇城使出監昭義屯
軍并人領馬步十五都來侵拱與巡檢陳思讓逆戰
於虜亭南殺三百餘人擒百人獲其帥王璠曹海金
又敗其軍於壺關師還會征慕容彥超命為都監賜
以六銖袍帶鞍勒馬器仗即日遣行賊平命為陝州

巡檢未幾改容省使知陝州會延州高允權卒其子
 紹基欲求繼襲即自領使務朝廷益禁兵戍守命拱
 權知州事俄遷內客省使嘗請禁州民賣軍裝兵器
 於西人從之所屬部落有侵盜漢戶者拱招其酋帥
 犒之令誓不敢侵犯召拜左神武大將軍宣徽南院
 使劉崇入寇遣馬軍樊愛能步軍何徽赴澤州令拱
 監護之世宗親征拱以精騎居陣中高平之捷以功
 兼義成軍節度河東行營前軍都監師還出鎮陳州
 先是晉末秦州節度何建以秦成階三州入蜀蜀人
 又取鳳州至是宰相王溥薦拱討之乃召拱與鳳翔

王景並率兵出大散關連下城砦復命拱為西南面
 行營都監蜀人聞鳳州急發卒五千餘出鳳州北堂
 倉鎮路行至黃花谷將絕周師糧道拱與王景偵知
 之命排陣使張建雄領兵二千直抵黃花谷又遣別
 將領勁卒千人出敵後截其歸路敵果為建雄所敗
 奔堂倉又為勁卒所逼合勢掩擊擒其監軍王密孫
 韜等千五百餘由是劔門之下州邑營砦望風宵遁
 秦鳳階成平召歸宴於金祥殿賜襲衣金帶銀器繒
 帛鞍勒馬顯德二年世宗親征淮南以拱權東京留
 守兼判開封府事時揚州初平南唐令境上出師謀

收復韓令坤有棄城之意即驛召拱赴行在拜淮南
節度依前宣徽使兼緣江招討使以令坤為副時周
師以駐淮陽都將趙晁白廷遇等驕恣橫暴不相稟
從惟務貪濫至有劫人妻女者及拱至戮其不奉法
者數輩軍中肅然六月追叙秦鳳功加檢校太尉時
周師圍壽春經年未下江淮草寇充斥吳援兵柵於
紫金山與城中烽火相應而舒蘄和泰復為吳人所
據拱上言欲且徙揚州之師併力攻壽春俟其城下
然後改圖進取世宗從之拱乃封庫付揚州主者復
遣本府牙將分部按巡城中秋毫不犯軍民感悅及
師行吳人有負糗糧以送者至壽春與李重進合勢
以攻其城攻淮南道招討都監敗淮南軍二千于黃
著砦世宗再幸壽州召拱宴賜甚厚以為武寧軍節
度命領其屬駐鎮淮軍及克壽州以功加同平章事
領武寧軍節度四年徙歸德軍節度淮南平改山南
東道節度俄充西南面水陸發運招討使恭帝即位
加檢校太師河南尹西京留守宋初加兼侍中太祖
征李筠拱迎謁至汜水言於上曰筠逆節義著兵力
日盛陛下宜急濟大河踰太行乘其未集而誅之緩
則勢張難為力矣帝從其言卷甲倍道趨之筠果率

兵南向聞車駕至惶駭走澤州城守遯見擒乾德初
從郊祀畢封譙國公拱尸河南十餘年專治園林第
舍好聲妓縱酒為樂府政廢弛群盜晝劫太祖聞之
怒移鎮安州命左武衛上將軍焦繼勳代之謂繼勳
曰洛久不治選卿代之無復效拱為也太平興國初
進封秦國公來朝授左衛上將軍八年代王彥超判
左金吾衛仗事表獻西京長夏門北園詔以銀五千
兩償之雍熙三年卒年七十五贈中書令咸平初真
宗聞拱之後有寒餒流離者錄其孫懌為國子助
拱子德明至洛苑使出大中祥符八年進士出身

明子悅為虞部郎中

王彥超大名臨清人性溫和不奉華能禮下士少事後
唐魏王繼岌從繼岌討蜀還至渭南會明宗即位繼
岌遇害左右遁去彥超乃依鳳翔重雲山僧舍禪道
人為徒暉善觀人謂彥超曰子富貴人也安能久居
此給資帛遣之時晉祖帥陝乃召至帳下委以心腹
乃移鎮太原將引兵南下遣從事桑維翰求養彥超
以彥超從行天福初累遷奉德軍校尋轉殿前散指
揮都虞候領蒙州刺史漢初領高州防禦使兼護聖
左廂都校出為復州防禦使周祖平內難後北征契

舟以彥超為行營馬步左廂都排陣使從周祖入汴
 時自彭門迎湘陰公入續位會軍變周祖命即命
 彥超權知徐州節度示行湘陰公舊校羣廷美據州
 叛真拜彥超武寧軍節度命討之彥超督戰艦破其
 水寨乘勝拔之又與樞密使王峻拒劉崇於言州彥
 超以驍兵進崇遁去授建雄軍節度復以所部追賊
 至霍邑賊步騎墮崖谷死者甚衆彥超歸鎮所依敗
 河陽三城節度移鎮河中顯德初加同平章事劉崇
 南寇命彥超領兵取晉州路東向邀擊從戰高平彥
 超自陰地關與符彥卿會兵圍汾州諸將請急攻彥

超曰城已危矣且春將降我士卒精銳儻驅以先登
 必死傷者衆以待之翌日州將董希顏果降遂引兵
 趣石州彥超親鼓士東城躬冒矢石數日下之擒其
 守將安彥進獻行在師還改忠武軍節度加兼侍中
 詔率所部浚胡盧河城守宴口下未畢遼人萬餘騎
 來侵彥超擊敗之殺傷其衆半相率殺往淮南以彥
 超為前軍行營副部署敗淮南軍二千于壽州城下
 吳兵水陸夾援殺逃保正陽六人躡其後會李重進
 兵至合勢急擊大敗吳人三萬餘衆走北二十餘里
 還改京兆尹永興軍節度六年夏恭穎鳳翔恭帝嗣

位加檢校太師西面緣邊副都都督署宗初加兼中書
令代還太祖與彥超有舊因幸齊坊召從臣宴射酒
酣謂彥超曰卿昔在復州朕往依卿何不納我彥超
降階頓首曰勺水豈能止神龍耶嘗曰陛下不留滯
於小郡者蓋天使然爾帝大笑彥超翌日奉表待罪
帝遣中使烈諭令赴朝謁未幾復以為永興軍節度
又以其父光祿卿致仕重寶為太子少傅致仕乾德
二年復鎮鳳翔三年丁外艱起復開寶二年為右金
吾衛上將軍判街仗事太平興國六年封外國公七
年彥超語人曰人臣七十致仕古之制也我年六十

九當自知止明年表求致仕加太子太師給金吾
將軍祿彥超既得請盡斥去僕妾之冗食者居處服
用咸遵儉約雍熙三年卒年七十三贈尚書令開寶
初彥超自鳳翔來朝與武行德郭從義白重贊楊廷
璋俱侍曲宴太祖從容謂曰卿等皆國家舊臣又臨
劇鎮王事鞅掌非朕所以優賢之意彥超知旨即前
奏曰臣無勲勞又冒榮寵今已衰朽願乞骸骨歸丘
園臣之願也行德等竟自陳夙昔戰功及履歷艱苦
帝曰此異代事何足論翌日皆罷行德等節鎮時議
以此許彥超初彥超將致政每戒諸子曰吾累為統

帥殺人多矣身死得免為幸必無陰德以及後汝曹
勉為善事以自庇及卒諸子果無達者宣化門內有
大第園林甚盛不十餘年其家已鬻之矣孫克從咸
平元年進士及第亦止於州縣

張永德字抱一并州陽曲人家世饒財曾祖丕尚氣
節後唐武皇鎮太原急於用度多嚴選富家子堂帑
庫或調度不給即坐誅沒入貲產丕為之滿歲府財
有餘宗人政當次補其任率族屬泣拜請丕濟其急
丕又為代掌一年鄉里服其義父穎事晉至安州防
禦使永德生四歲母馬氏被出育於祖母家繼母劉

以孝聞周祖初為侍衛吏與穎善乃以女妻永德永
德迎其母妻詣宋州時寇賊充斥乃易弊衣毀容儀
居委巷中有賊過即邀乞焉給曰此悲田院耳賊即
舍去繇是免禍周祖為樞密使表永德授供奉官押
班乾祐中命賜潞帥常遇生辰禮幣遇周祖之外兄
弟也時周祖鎮鄴被讒族其家永德在潞州聞有密
詔授遇永德探知其意謂遇曰得非泣殺永德耶永
德即死無怨恐累君侯家耳遇愕然曰何謂也永德
曰姦邪蠹政郭公誓清君側願且以永德屬吏事成
足以為德不成死未晚遇以為然止令壯士嚴衛然

宋史列傳卷第十四
所以餽之甚厚親問之曰君視丈人事得成否永德
曰殆必成未幾周祖使至遇賀且謝曰老夫幾誤大
事初魏人柴翁以經義教里中有女後唐莊宗時備
掖廷明宗入洛遣出宮柴翁夫妻往迎之至鴻溝遇
雨甚踰旬不能前女悉取裝具計直千萬分其半以
與父母令歸魏曰兒見溝旁郵舍隊長項黯黑為雀
形者極貴人也願事之間之乃周祖也父母大愧然
終不能奪他日語周祖曰君貴不可言妾有緡錢五
百萬資君時不可失周祖因其資得為軍司柴翁好
獨寢人傳其能司寔間事一日晨起大笑不已妻問

之不對翁好飲其妻逼令飲極醉因漏言曰花項漢
作天子矣其妻頗露之遇亦微有聞未深言至是永
德故以此諷遇遇送永德歸周祖周祖登位封永德
妻為晉國公主授永德左衛將軍內殿直小底四班
都知加駙馬都尉領和州刺史逾年擢為殿前都虞
候領恩州團練使俄遷殿前都指揮使泗州防禦使
時年二十四顯德元年并州劉崇引契丹來侵世宗
親征戰于高平大將樊愛能何徽方戰退衄時太祖
與永德各領牙兵二千永德部下善左射太祖與永
德厲兵分進大捷降崇軍七千餘衆及駐上黨世宗

晝卧帳中召永德語曰前日高平之戰主將殊不用命樊愛能而下吾將案之以德永德曰陛下欲固守封疆則已必欲開拓疆宇威加四海宜痛懲其失世宗擲枕於地大呼稱善翌日誅二將以徇軍威大振進攻太原師薄城下永德與符彥卿史彥超北控忻口以斷契丹援路太原城四十里周師去城三百步圍之三匝自四月至六月攻之不克契丹援兵果至彥超戰沒繼敗其衆二千餘衆遁去以永德領武信軍節度師還徙義成軍節度時永德父穎爲隸人曹澄等所害因奔南唐會議南征永德請行自効許之

師至壽春劉仁瞻堅壁不下永德出疲兵誘之傍伏精騎每戰陽不利北退三十里伏兵突起夾攻大敗之仁瞻僅以身免三年世宗親征至壽州城下仁瞻執澄等三人檻送行在意求緩師詔賜永德俾其甘心太祖與永德領前軍至紫金山吳人列十八砦戰備嚴整敵壘西偏有高隴下瞰其營中永德選勁弓強弩伏隴旁太祖麾兵直攻第一砦戰陽不勝淮人果空砦出鬪永德亟登隴發伏馳入據之敵衆散走翌日又攻第二砦鼓譟而進始攻北門淮人開南門而遁時韓令坤在揚州復爲吳人所逼欲退師世宗

怒遣永德率師援之又敗泗州軍千餘于曲溪堰俄
屯下蔡時吳人以周師在壽春攻圍日急又恃水戰
乃大發樓船蔽江而下泊于濠泗周師頗不利吳將
林仁肇帥衆千餘水陸齊進又以船數艘載薪乘風
縱火將焚周浮梁周人愛之俄而風反吳人稍却永
德進兵敗之又夜使習水者沒其船下縻以鐵鑊引
輕舠急擊吳人既不得進溺者甚衆奪其巨艦數十
艘永德解金帶賞習水者乃距浮梁十餘步以鐵索
千餘尺橫截長淮又維巨木自是備禦益堅矣俄又
敗千餘衆於淮北岸獲戰船數十艘吳人多溺死詔

褒美之冬擢為殿前都點檢四年從克壽州還制
檢校太尉領鎮寧軍節度五年夏以平擾邊命永德
率步騎二萬拒之從世宗北伐還駐澶淵解兵初加
檢校太尉同中書門下平章事恭帝嗣位移忠武軍
節度太祖即位加兼侍中末德入朝授武勝軍節度
入覲召對後苑道舊故飲以巨觥每呼駙馬不名時
并汾未下太祖密訪其策永德曰太原兵少而悍加
以契丹為援未易取也臣以每歲多設游兵擾其農
事仍發間使以謀契丹絕其援然後可下也帝然之
俄歸本鎮會出師討金陵永德以已資造戰船數十

艘運糧萬斛自順陽沿漢水而下富民高進者豪橫
莫能禁永德乃發其姦寘于法進潛詣闕誣永德緣
險固置十餘砦圖為不軌太祖命璆密都承旨曹翰
領騎兵察之詰其砦所進曰張侍中誅我宗黨殆盡
希中以法報私憤爾翰以進授永德永德遽解縛就
市笞而釋之時稱其長者太平興國二年來朝拜左
衛上將軍五年坐市春隴竹木所過矯制免關市等
降為本衛大將軍數月復舊秩六年進封鄧國公雍
熙中進知滄雄定三州端拱元年拜安化軍節度使
還為河北兩路排陣使也定州嘗與契丹戰斬獲甚
衆二年丁內艱起復淳化初又代田重進知滄州
年改泰寧軍節度兼侍中出判并州兼并代都部署
永德明天文術嘗與僚佐會食有報遼兵寇州境者
永德用太白萬勝訣占之語坐客曰彼雖以年月便
利乘金而來及值歲星對逆兵家大忌必敗未幾折
御州捷報至衆始歎伏自五代用兵多姑息藩鎮頗
恣部下販鬻宋初功臣猶習舊事太宗初即位詔群
臣乘傳出入不得賈貨邀利及令人諸處圖回與民
爭利永德在太原嘗令親吏販茶規利闌出徼外市
羊為轉運使王嗣宗所發罷為左衛上將軍真宗即

位進封衛國公未幾判左金吾街仗事咸平初屢表
請老授太子太師分司西京仍以其孫大理寺丞文
蔚釐務洛下以便就養二年冬契丹入邊帝將北巡
以永德宿將召入對便殿賜坐訪以邊要以老不可
從行留為東京內外都巡檢使三年制授檢校太師
懿德軍節度知天雄軍俄以衰老命還本鎮是秋卒
年七十三遺內園使馮守規護柩還京師贈中書令
諸孫遷秩者五人永德出母後適安邑劉祚及永德
鎮南陽祚已卒迎母歸州解起二堂與繼母劉並居
劉卒馬預中參時年八十一太宗勞之賜冠帔封言

國大夫人同母弟劉再思署子城使於市西里起大
第聚劉族初永德寓睢陽有書生隣居卧疾永德療
之獲愈生一日就永德求永五兩既得即置鼎中煮
之成中金自是日與永德游一日告適淮水語永德
曰後當相遇于彼永德曰吳境不通子何可去生曰
吾自有術永德送行數舍懇求藥法生曰君當大貴
吾不吝此慮損君福言訖而去及永德屯下蔡牙帳
前後隊部曲八百人皆金銀刀槊繡旗幟永德善騎
射左右分掛十的握十矢疾馳互發發必中淮民環
觀有一僧睥睨永德遽召之乃睢陽書生也夜宿帳

中復求永法僧曰始語君貴今不謬矣終能謹節當保五十年富貴安用此為然能降志禮賢當別有授公藥法者永德由此益罄家資延致方士故太祖以方外待之初睢陽書生嘗言太祖受命之兆以故永德潛意拱嚮太祖將聘孝明皇后也永德出緡錢金帛數千以助之故盡太祖朝而恩渥不替孫文蔚虞部員外郎文炳殿中丞

王全斌并州太原人其父事莊宗為岢嵐軍使私畜勇士百餘人莊宗疑其有異志召之懼不敢行全斌時年十二謂其父曰此蓋疑大人有他圖願以全斌

為質必得釋父從其計果獲全因以隸帳下及莊宗入洛累歷內職同光末國有內難兵入宮城近臣宿將皆棄甲遁去惟全斌與符彥卿等十數人居中拒戰莊宗中流矢扶掖至絳霄殿全斌慟哭而去明宗即位補禁軍列校晉初從侯益破張從賓於汜水以功遷護聖指揮使周廣順初改護聖為龍捷以全斌為右廂都指揮使及討慕容彥超于兗州為行營馬步都校顯德中從向訓平秦鳳遂領恩州團練使俄遷領泗州防禦使從世宗平淮南復瓦橋關改相州留後宋初李筠以潞州叛全斌與慕容延釗由東路

會大軍進討以功拜安國軍節度詔令完葺西山堡
若不踰時而就建隆四年與洺州防禦使郭進等率
兵入太原境俘數千人以歸進克樂平乾德二年冬
又為忠武軍節度即日下詔代蜀命全斌為西川行
營前軍都部署率禁軍步騎二萬諸州兵萬人由鳳
州路進討召示川陝地圖授以方略十二月率兵拔
乾渠渡萬仞燕子二砦遂下興州蜀刺史藍思綰退
保西縣敗蜀軍七千人獲軍糧四十餘萬斛進拔石
圖魚關白水二十餘砦先鋒史延德進軍三泉敗蜀
軍數萬擒招討使韓保正副使李進獲糧二十餘萬

斛既而崔彥進康延澤等還蜀軍過三泉遂至嘉陵
殺虜甚衆蜀人斷閣道軍不能進全斌議取羅川路
以入延澤潛謂彥進曰羅川路險軍難並進不如分
兵治閣道與大軍會於深渡彥進以白全斌全斌
然之命彥進延澤督治閣道數日成遂進擊金山砦
破小漫天砦全斌由羅川趣深渡與彥進會蜀人依
江列陣以待彥進遣張萬友等奪其橋會暮夜蜀人
退保大漫天砦詰朝彥進延澤萬友分三道擊之蜀
人悉其精銳來逆戰又大破之乘勝拔其砦蜀將王
審超監軍趙崇渥遁去復與三泉監軍劉延祚將

王昭遠趙彥韜引兵未戰三戰三敗追至利州北昭遠遁去渡桔栢江焚梁退守劔門遂克利州得軍糧八十萬斛自利州趨劔門次益光全斌會諸將議曰劔門天險古稱一夫荷戈萬夫莫前諸君宜各陳進取之策侍衛軍頭向韜曰降卒年進言益光江東越大山數重有狹徑名來蘇蜀人於江西置砦對岸有渡自此出劔關南二十里至清強店與大路合可於此進兵即劔門不足恃也全斌等即欲卷甲赴之康延澤曰來蘇細徑不須主帥親往且蜀人屢敗併兵退守劔門莫若諸帥協力進攻命一偏將趨來蘇砦達清強北擊劔關與大軍夾攻破之必矣全斌納其策命史延德分兵趨來蘇造浮梁於江上蜀人見梁成棄砦而遁昭遠聞延德兵趨來蘇至清強即引兵退陣於漢源坡留其偏將守劔門全斌等擊破之昭遠崇韜皆遁走遣輕騎進獲傳送闕下遂克劔州殺蜀軍萬餘人四年正月十三日師次魏城孟昶遣使奉表來降全斌等入成都旬餘劉延讓等始自峽路至昶饋遺延讓等及犒師並同全斌之至及詔書頒賞諸軍亦無差降由是兩路兵相嫉蜀人亦搆主帥遂不協全斌等先受詔每制置必須諸將僉議至是

雖小事不能即決俄詔發蜀兵赴關人給錢十千未
行者加兩月廩食全斌等不即奉命由是蜀軍憤怨
人人思亂兩路隨軍使臣常數十百人全斌彥進及
王仁贍等各保庇之不令部送蜀兵但分遣諸州牙
校蜀軍至綿州果叛劫屬邑衆至十餘萬自號興國
軍有蜀交州刺史全師雄者嘗爲將有威惠士卒畏
服適以其族赴關下綿州遇亂師雄恐爲所脅乃匿
其家於江曲民舍後數日爲亂兵所獲推爲主帥全
斌遣都監米光緒往招撫之光緒盡滅師雄之族納
其愛女及素裝師雄聞之遂無歸志率衆急攻綿州
爲橫海指揮使劉福龍捷指揮使田紹斌所敗遂攻
彭州逐刺史王繼濤殺都監李德榮據其城成都十
縣皆起兵應師雄師雄自號興蜀大王開幕府置僚
屬署節帥二十餘人令分據灌口導江郫新繁青城
等縣彥進與張萬友高彥暉田欽祚同討之爲師雄
所敗彥暉戰死欽祚僅免賊衆益盛全斌又遣張延
翰張煦往擊之不利退入成都師雄分兵綿漢間斷
閣道緣江置砦聲言欲攻成都自是平蜀眉雅東川
果遂泐合資簡昌普嘉戎榮陵十七州並隨師雄爲
亂郵傳不通者月餘全斌等甚懼時城中蜀兵尚餘

二萬全斌慮其應賊與諸將謀誘致夾城中盡殺之
未幾劉延讓曹彬破師雄之衆於新繁得萬餘人師
雄退保郫縣全斌仁贍又攻破之師雄走保灌口若
賊勢既弱餘黨散保州縣有陵州指揮使元裕者師
雄署為刺史衆萬餘仁贍生擒之磔于成都市俄虎
捷指揮使呂翰為主將所不禮因殺知嘉州客省使
武懷節戰權都監劉漢卿與師雄黨劉澤合衆至五
萬逐普州刺史劉楚信殺通判劉沂及虎捷都校馮
紹又果州指揮使宋德威殺知州八作使王永昌及
通判劉煥都監鄭光弼逐州牙校王可瓌涇州民為
亂仁贍等討呂翰於嘉州翰敗走入雅州師雄病死
於金堂推謝行本為主羅七君為佐國令公與賊將
宋德威唐陶鼈據銅山旋為康延澤所破仁贍又敗
呂翰於雅州翰走黎州為下所殺棄屍水中後丁德
裕等分兵招輯賊衆始息全斌之入蜀也適屬冬暮
京城大雪太祖設壇帷於講武殿衣紫貂裘帽以視
事忽謂左右曰我被服若此體尚覺寒念西征將衝
犯霜雪何以堪處即解裘帽遣中黃門馳賜全斌仍
諭諸將以不備及也全斌拜賜感泣初成都平命參
知政事呂餘慶知府事全斌但典軍旅全斌嘗語所

字四日合八
親曰我聞言之將帥多不能保全功名今西蜀既平
欲稱疾京歸庶免悔吝或曰今寇盜尚多非有詔旨
不可輕去全斌猶豫未決會有訴全斌及彦進破蜀
日奪民家子女玉帛不法等事與諸將同時召還太
祖以全斌等初立功雖犯法不欲辱以獄吏但令中
書問狀全斌等具伏詔曰三全斌王仁贍崔彥進等
被堅執銳出征全蜀被累歲而納款尋馳詔以申恩
用示哀矜務敦綏撫應孟昶宗族官吏將卒士民悉
令安存無或驚擾而乃違戾約束侵侮憲章專殺降
兵擅開公帑奪婦女廣納貨財斂萬民之怨嗟致

群盜之充斥以至再勞調發方獲平寧泊命旋歸
欲含忍而銜寃之訢日擁國門稱其隱沒金銀犀玉
錢帛十六萬七百餘貫又擅開豐德庫致失錢二十
八萬一千餘貫遂令中書門下召與訟者質證實事
而全斌等皆引伏其令御史臺於朝堂集文武百官
議其罪於是百官定議全斌等深當未辟請準律處
分乃下詔曰有征無戰雖舉於王師禁暴戢兵當崇
於武德蠹茲庸蜀自敗姦謀爰伐罪以宣威俄望風
而歸命遽令按堵勿犯秋毫廢德澤之溥濡俾生聚
之寧息而忠武軍節度王全斌武信軍節度崔彥進

董茲銳旅奉我成謀既居克定之金功宣體輯柔之
深意比謂不日清謚即時凱旋懋賞策勲柳有彝典
而罔思寅畏速此悔尤貪殘無厭殺戮非罪稽于僎
革職爾玩兵向念前勞特從寬貸止停旌鉞猶委藩
宣我非無恩爾當自省金鉞可責授崇義軍節度觀
察留後彥進可責授昭化軍節度觀察留後特建隨
州為崇義軍金州為昭化軍以處之仁贍責授右衛
大將軍開寶末車駕幸洛陽郊祀召金鉞侍祠以為
武寧軍節度謂之曰朕以江左未平慮征南諸將不
遵紀律故柳節數年為朕立法今已克金陵遷柳節

鉞仍以銀器萬兩帛萬匹錢千萬賜之全鉞至鎮數
月卒年六十九贈中書令天禧二年錄其孫永昌為
三班奉職全鉞輕財重士不求聲譽寬厚容衆軍旅
樂為之用黜居山郡十餘年怡然自得識者稱之子
審鈞崇儀使富州刺史廣州兵馬鈞審鈞供奉官
閤門祗候曾孫凱

凱字勝之祖審鈞嘗為永興軍駐泊都監以擊賊死
遂家京兆饒於財凱散施結客日馳獵南山下以踐
蹂民田捕至府時寇準守長安見其狀貌奇之為言
全鉞取蜀有勞而審鈞以忠義死當錄其孤遂以為

三班奉職監鳳翔整屋稅歷左右班殿直監益州市
買院慶州合水鎮兵馬監押監在京草場先是守卒
掃遺稗自入凱禁絕而衆欲害之事覺他監官皆坐
故縱凱獨得免自右侍禁雒州兵馬監押擢閣門祗
候定邢趙都巡檢使元昊反徙麟州都監嘗出雙烽
橋染枝谷遇夏人破之又破龐青黃羅部再戰于伺
候烽前後斬首三百餘級獲區落馬牛橐駝器械以
數千計夏人圍麟州乘城拒鬪晝夜三十一日始解
去特遷西頭供奉官代遷邊寇猶鈔掠以爲內殿崇
班麟州路緣邊都巡檢使與同檢張岳護糧道于青

眉浪寇猝大至與岳相失乃分兵出其後夾擊之復
與岳合斬首百餘級又入兔毛川賊衆三萬凱以兵
六千陷圍流矢中面鬪不解又斬首百餘級賊自蹂
踐死者以千數遷南作坊副使後爲并代州鈐轄管
勾麟府軍馬事夏人二萬寇青塞堡凱出鞋邪谷轉
戰四十里至杜肱川大敗之復得所掠馬牛以還經
略使明鎬言凱在河外九年有功遂領資州刺史又
之召還未及見會甘陵盜起即命領兵赴城下賊平
拜澤州刺史知邠州未幾爲神龍衛四廂都指揮使
澤州團練使歷環慶并代定州路副都總管捧日天

嘉靖丁巳年
宋史列傳卷一百一十四
監生西又希武刊

武四廂綿州防禦使累遷侍衛親軍安軍副都指揮
使涇州觀察使又徙秦鳳路辭曰帝諭以喃氏木征
交易阻絕頗有入寇之萌宜安靜以處之凱至與主
帥以恩信撫接遂復常貢召拜武勝軍節度觀察留
後侍衛親軍馬軍副都指揮使卒年六十六贈彰武
軍節度使謚莊恪凱治軍有紀律善撫循士卒平居
與均飲食至臨陣援鼙鼓寂然不少假故士卒畏信
戰無不力前後與敵遇未嘗挫衄兔毛川之戰內侍
宋永誠哭于軍中凱劾罷之尤篤好於故舊子緘緘
子詵字晉卿能詩善畫尚蜀國長公主官至留後

段發刻

康延澤父福晉護國軍節度兼侍中延澤天福中以
蔭補供奉官周廣順二年永興李洪信入覲遣延澤
往巡檢遷內染院副使宋初從慕容延釗李處耘平
湖湘時荆南高保融卒其子繼冲嗣領軍事命延澤
齎書幣先往撫之且察其情偽及還盡得其機事因
前導大軍入境遂下荆峽以勞授正使乾德中征蜀
爲鳳州路馬軍都監破白水閣子二砦進擊西縣三
泉獲韓保正由來蘇路會大軍克劔門及孟昶降延
澤以百騎先入成都安撫軍民盡封府庫而還就命
爲成都府都監會全師雄復亂徙爲晉州刺史時有

降兵二萬七千諸將懼為內應欲盡殺之延澤請簡老幼疾病七千人釋之餘以兵衛還浮江而下賊若來劫奪即殺之未晚諸將不能用俄出兵敗賊黨劉澤三萬人復有王可臻率數郡賊兵來戰延澤擊走之追北至合州又破可臻餘黨謝行本等擒羅七君事平優詔嘉獎就命為東川七州招安巡檢使全斌等得罪延澤亦坐貶唐州教練使開寶中起為供奉官遷左藏庫副使坐與諸姪爭家財失官居西洛卒兄延沼幼隸後唐明宗帳下仕晉祖為尚食使改散指揮使都虞候與聖軍都指揮使出為隨澤二州刺史周祖北征延沼與白文遇李彥崇曹奉金并從廣順中為侍衛馬步軍都軍頭領信州刺史從世宗征劉崇率兵攻遼州轉龍捷右廂都校領岳州防禦使真拜蔡齊鄭楚四州防禦使晉潞二州兵馬鈐轄宋初李重進叛以延沼為前軍馬軍都指揮使建隆四年改懷州防禦使乾德六年命李繼勳等征河東以延沼為先鋒都監太祖親征太原以延沼宿將熟練邊事詔領兵屯潞州會以疾歸郡開寶二年卒年五

十八

王繼濤河朔人少給事漢祖左右乾祐初補供奉官

嘉靖丁巳年

史記列傳卷一百一

二

監生夏希武刊

歷諸司副使仕周為右武衛大將軍淮南平為天長
軍使顯德五年遷和州刺史宋初為左驍騎大將軍
再遷左神武大將軍乾德二年命護徒治安陵隧
道大軍伐蜀為鳳州路壕若使與元降王全斌命
繼濤權府事孟昶降全斌又遣繼濤與供奉官王
守訥部送昶歸闕守訥白全斌言繼濤問昶求宮妓
金帛全斌遂留繼濤止令守訥送昶俄詔以繼濤
為彭州刺史綿州軍亂劫全師雄為帥率眾攻彭
州繼濤與都監李德榮拒之德榮戰死繼濤身被
八槍單騎走至成都素與通事舍人田欽祚有隙
會欽祚入朝乃誣

奏繼濤以他事太祖驛召繼濤將面質之道病卒詔
曰故彭州刺史王繼濤先登擊賊身被重創優與未
加齋志而歿故階州刺史高彥暉帥師討賊奮不顧
命垂老之年殞身鋒鏑永言痛悼不忘于懷宜各賜
其家粟帛

高彥暉薊州漁陽人仕契丹為瀛州守將世宗北征
以城來降遷耀階二州刺史王師伐蜀為歸州路先
鋒都指揮使全師雄之亂崔彥進遣彥暉與田欽祚
共討之至導江與賊遇賊據隘路設伏竹箐中官軍
至遇伏發遂不利彥暉謂欽祚曰賊勢張大日將暮

三百七十九字
請收兵詰朝與戰欽祚欲遁慮賊曳其後乃給之曰
公食厚祿遇賊畏縮何也彥暉復麾兵進欽祚潛遁
去彥暉獨與部下十餘騎力戰皆死之時年七十餘
彥暉老將練習邊事上聞其歿甚痛惜故並命優恤
之

論曰郭崇感激音遇發於垂涕太祖察其忠厚亟焚
思晦之奏雖魏文不疆於楊虎矣武無猜於徐廣何
以加之廷璋開懷以待罕孺宋僅抗章以察重進向
拱獻謀以平上黨乘時建功各當所長有足尚者王
彥超起自戎昭歷典藩服引年高蹈武夫之貞至於

自悔多殺毒戒後裔近乎仁人之用心張永德前
勲伐夙識太祖潛懷尊奉雖有橋公祖之知而非人
臣之不二心者矣乾德伐蜀之師未七旬而降款至
諸將之功何可泯也王全斌贖貨殺降尋啓禍變太
祖罪之而從八議之貨斯得馭功臣之道延澤能相
地險豫謀屯備繼濤彥暉先登重傷殞沒無餘咸可
稱焉

列傳卷第十四

宋史二百五十五

皇朝通志卷之...

卷之...

皇朝通志



世

